



卷之五

四

真

真



鈍翁類稿

鈍翁五十歲像



Vertical columns of faint text, likely a preface or inscription, surrounding the portrait.

Vertical text on the left edge of the page.

Small vertical text at the bottom left corner.

閩洛之傳魯齋得其真韓歐之統晉卿得其正閱三  
百年先生兼之心游乎淳穆之鄉力窮乎典墳之勝  
清癯者其形耿介者其性肅然而温煦然而敬脫簪  
組之高風耽林泉之逸興天下譽之而不聞衆人毀  
之而不聽此非實有得于中而能不囿于境邪又豈  
蠡識之可窺而管見之可評邪然而塵加嵩岱霧集  
淮海勢則相懸機則相應千載之遙四海之亘有思  
長洲之深廣直與河內浦江竝者知鄙言之非阿私  
而歎三吳之人文於斯為盛

薛  
熙

寸碧堂集總目

卷一

古今詩八十三首

卷二

古今詩九十七首

外集卷一

古今詩二十五首

詩餘九首

時曲三調



御曲三歸

詩繪八首

古今詩八十三首

卷二

古今詩八十三首

卷一

寸碧堂詩集

寸碧堂詩集卷一

晚步

長洲汪 膺元御甫



山水有真意澹然心目間流雲過飛鳥機盡心亦  
閒幽泉滿清聽高人時掩關玄言連日夕嘆息未  
能還

洞簫吟

日色欲動花明妝闌干詰曲流晨光人間酒煖春  
茫茫秦娥口溼唇脂香斜約玉環看修揚素波吹  
浪風微颺初如花底調鶯簧百弄間關蹴紅芳月

華蕩漾生銀塘芙蓉孤眠咽秋霜劃然玉碎崑山  
岡潛螭起舞乖龍藏龜茲仙人汗流僵渡索涼州  
指節強寬裳散聲引復長空中行雲駐不翔欲絕  
未絕音繞梁飛來一雙金鳳凰

子夜歌

採盡三畝桑纈得一斛絲做衫郎得著寒燠郎自  
知

扁舟採蓮渡

蓮生三尺強十里知香氣底喚不一迴郎今得花  
未

雲巖春望

帆轉耶溪淥草生香徑繁風吹太湖水月照桃花  
原

書懷

清陰半寥落白日何杲杲撫楹起盤桓松風入懷  
抱雲牖招遠香寒花亦云老美人呈玉顏幽質零  
素縞物化洵已悠微陽感百草靜存此中意達觀  
以爲寶

閨怨

寂寂香塵掩翠裘菱蕤淡鎖不扃愁春陰只在城

南陌柳色青時莫上樓

升天行

陶公生八翼歛起凌天門  
風力不足恃中道遭傾  
翻雲衢遼渺杳難接青天  
欲上無由捫天空冥冥  
飛寒霧元氣茫茫不可度  
雷公銜笏轟雲車玉女  
嘻笑天公怒回首銀河隔  
蟠螭蓬萊三山有無中  
安得穆王八駿日行三萬  
里掃逐氛祲騰虛空虛  
空仰望徒兀峯控馭八埏  
汗漫室相期咫尺愁人  
心吁嗟乎浮雲蔽白日白  
日暮兮雲封思夫君兮  
從容鼎湖軒轅之子如可  
從我欲因之攀飛龍

夜坐

獨坐空齋靜松聲戶外幽  
孤燈常是雨一榻不關  
愁有酒供清醉無衣笑敝  
裘抱琴還待旦幽意若  
爲畱

武皇

承露盤空霄漢高飛瓊虛  
奏碧雲璈祇應青鳥頻  
來往畱得千年阿母桃

讀飛燕外傳

太液池頭畫鷁迴遠條  
館裏曲房開宮中擊鼓祠  
初罷踏地爭歌赤鳳來

其二

綠屏高掩沐蘭堂三尺寒冰浸玉涼聞道宮中傳  
說遍君王不羨白雲鄉

其三

淺黛修螺總不凡畱仙裙子唾花衫益州初進沉  
香帳少府新呈碧玉奩

次維億弟韻贈席間美人

綃衣束素六銖輕慣向尊前倚鳳笙花滿玉牀憐  
曉夢月籠香袖拂殘英半含幽恨難馮語一弄新  
聲足解醒爲問紅顏誰與惜當筵我亦舊飛卿

其二

一抹煙籠遠岫輕曾陪緱嶺夜吹笙坐來香裏畱  
殘月笑出花間送落英嬌鳥慣啼紅藥煖流鶯低  
喚海棠醒攜將一斛青螺黛秀色平分與絳卿

輓袁公二子篇

郡佐袁公司李龍城值黔變徵兵公持檄  
往經十餘戰義不顧家惟一子光晉畱任  
一夕數驚先公未抵家數日卒公又有甥  
李駒武勇爲蠻中所畏大方之役當事者  
失律歿于陣公旣蒞吳余與公夙有通家



詩集卷一  
四  
之雅尤淡悲三子之志爲賦三章綴墜露  
之末

宵提一旅赴戎機千里遙憐弱息違霧瘴南天蠻  
雨暗煙橫北岵落暉微黃沙戍隔龍沙遠赤羽驚  
傳鴈羽稀最惜謝家零玉樹孤莧長傍白雲飛

李公

龍城復守黃沙  
渡故三聯云云

其二

叢林陰陰白日暮蠻獠出沒紛煙霧空城歸燕巢  
高枝羽鏃飛馳壯士怒海天雷動戰埃黃腰下笑  
蓉秋水光直犯長圍走狐兔窮搜狡窟驅豺狼粵

中百萬良家子獨淬金戈爲君死嚴霜壓營軍吏  
饑夜半鼓寒聲不起生辜殪賊死何功願挾兩龍  
隨飄風六月王師下黔蜀長劍一抉鯨鯢空京觀  
纍纍積成土英雄碧血照千古

夜泊

未斷故鄉夢雲山已莫尋懷思待明發抱袂動微  
吟片月半帆影孤舟萬里心獨憐飛鳥意遙夜覓  
棲林古意

解凍

汨汨水聲咽潛魚樂暗遊日融冰借煖波動岸初

浮觸冷信孤往敲寒雜衆咻流漸紛共下偏送石  
城舟

林古意

庭前女蘿草朝榮夕何萎生意寸心足坐待春風  
吹君行日華滿妾留綺窗絲恆特別時意慰君千  
里思永夜怯行露不敢夢中期

舉酒屬雲老

居士曾爲余言夙于夢遊禮大導師所謂  
五嶽長者惺焉在心不知爲何指也旣  
偕余行言多物外之旨若將往而遇焉夫

其所得于胸中者固已遠矣

君懷古人意高情邈難尋相看了不異一片平生  
心微言夢中契默悟開玄襟君尋五嶽師言歸臥  
雲岑余亦有微慕相將鳴素琴

過江

今古此中盡潺湲何處歸亂流人語競爭渡野航  
稀雲氣生孤嶼江聲送落暉蒼茫寒色裏獨鳥愧  
相依

浦口歌

雲連鯨翅過江來浪打沙灘觸石迴郎舟尚泊長

千里如此風波那得開

其二

日日江干望信回孤帆開處是郎來來時且莫教  
相見卻上妝樓取鏡臺

過黃河

河水千尋落言從碧漢來奔流齊赴壑逆勢轉聞  
雷日月波中小魚龍海上迴猶傳指點處故道總  
蒿萊

徐州子房山

報仇初見祖龍灰定策俄令綺皓來最是石公非

世隱也將物色到塵埃

十五夜宿香城燈火寂然以爲遂無元宵矣

適古婁徐錫子丈招坐遂及海虞盛九容

丈暨雲岑老共酌酒月下

宵征初對短檠燈此夜分將北斗平扇影樓前歡  
不見梅花笛裏聽無聲論心喜洽杯中契彈劍空  
餘匣底鳴回首風煙各千里休言月是故鄉明

書所見

老子無心營釣磯水邊竹徑山中衣持竿忘卻魚  
吞餌目接歸鴻高下飛

乾光殿古松

瑤林聳秀曉葱龍剝落喬枝翠色茸萬壑雷濤春  
自擁九霄風雨晝相從鱗緣日近龍紋老巢是雲  
封鶴影重共祝岡陵同比茂清音時度鳳城鐘  
落第後同潘潤生還吳

數偶君同佚情淡我自鍾帆平高岸過橋斷落花  
逢芳草尚千里白雲知幾重回繞共歸路蘿薜自  
相容

登濟寧太白樓

薄遊倦春風步從城南陌覽勝滌繁襟曠矚引素

癖寥寂敞高宇昔賢此遺蹟羣峰合幽暉晨林動  
芳碧遠景生微波吹送千里白遐哉古人情玄企  
棲閒適雲物澹吾慮悠焉此忘役挹爾霞外蹤干  
秋永無斃

出黃河口

長風下海嶠翕忽相呼春濤聲連日夕水氣混魚  
龍蒼然萬古意天地此尤鍾崑丘如可泝擊楫復  
相從

清江浦

漸減來時服猶乘孤客槎遠懷紛未理夢思渺無

言身卷一  
涯夜靜初生月春溪自落花帆迎江樹近雲望水  
天賒岸草淡侵路河流淺漲沙如何萬里意愁絕  
獨成嗟

至高郵

漠漠滄洲晚清源路未賒遙林分晏照遠水落明  
霞無處不春草何時復夢家古城臨岸柳夜色動  
棲鴉

曉發瓜洲渡

曉色下江干輕舟怯路難晨風肅清景水氣靜微  
瀾山斷將雲續天空覆塹寒遙看過江樹香溼露

花溥

曉霽

不見林花落但聞鶯語淺睨睨枝上聲春風自流  
轉

輓與叔嫂氏

曾聞邾下長鸞雛始信閨庭有淑好十載蘋蘩雲  
外逝百年環珮月中疎蘅蕪老去連娟夢翰墨傳  
來衛女書其母夫善書可奈明河成底望琴聲寥寂夜  
臺虛

維億堂中雙桂盛開飲花下

濛濛素鳧飛香雨霓裳仙人掠煙舞羽衣蹁翻拂  
落花纖纖半逐雲中吐主人堂前樹影稠霜濃葉  
重枝相樛丹葩散莖擢華月金英啓萼延高秋芳  
馥遙分疑嶺墮連卷復見歌山幽岱輿之丘玉梁  
谷中有丹巖傍雲麓躡虛何用餐紫霞山人歸來  
酒應熟其月數  
有所贈  
含嬌怯怯奈何春花欲舒眸柳欲顰好是笑顰渾  
未慣可憐何處不宜人

俠場行

少年奪得鳳凰裘遊徧倡樓又酒樓日落暮雲何  
處路夜行還向古梁州

己巳春季梅始盛開遂循玄墓歷茶山升高  
四望皆瓊海素濤瀾亘萬壑雖羅浮大庾  
未足方勝也覽前人有作遂以效顰

清陰逗春好張琴一來過窮林積幽氣冷豔連溪  
渦茲山特超妙曠宇開松蘿而我陟其巔俯勝鬱  
婆娑倚石動雲嘯神骨高嵯峩濛濛含霧雨素海  
吹微波繁香越林端麗景浮寒柯遲芳如有慕明  
月來山阿

侍郭丹葵老師遊支硎遂及趙寒山別墅同

門顧仲吉有賦因次其韻兼呈老師丹翁尤好

譚玄

因過支隱跡探幽亦及之晴雲隨境合香鹿入林  
疑路僻松能讓春淡花自知空山多道侶歲晚莫  
相遲

從諸兄齋頭乞得各色草花種之

萬壽芙蓉

一以觀萬始靜乃為壽胎舉觴屬明月置此芙蓉  
杯

剪春羅

天公巧裁剪絕勝隋園伎寧知草堂間中有被褐  
子

番菊

奇葩豈絕域穠豔恣幽寵卻笑博望侯空帶蒲萄  
種

虞美人

離離原上草楚客猶悲歌二月春風發其奈虞兮  
何

金護

言集卷一  
我懷北堂護擘擘朝日澆長吟考槃詩何憂復相忘

服食神仙氣翩然凌玉門采采復爲誰母乃千歲根

五九菊

生氣亘陽月九五當數奇菊花于此時爛熳開金卮

翠雲草

雨氣潤蒼苔閒庭積空翠幽人無俗觀碧雲常覆

地

紫茉莉

明山雲雨千石谷  
浥露時添色綠籬且復生日暮清香合疑是紫霞

泊煙居牡丹

晴光蕩漾霞千縷的爍明珠走花雨紫玉盤傾香霧濃素鸞欲駐青猊舞瓊筵翠幄春重重飛來十二紅芙蓉阿環飛燕休相妒春色年年眼中度

泊蕭家灣

斜暉畱景倚高梧一徑行來繞綠蕪野渡放舟見



學釣溪林沽酒婦提壺隨簷古樹參差合避鶻春  
禽上下呼村老也知新水長自修殘壩種菱蒲

二珠寓希夷觀述圖南先生靈蹟歌

予至時遺圖已爲前郡守持去郡中人猶  
能爲予言蓋素紙一幅遠望卽神姿生動

近視初無筆墨也亦靈奇矣

華山雲鎖千年春臥龍夜掣飛錦鱗指揮三山拾  
瑤穀游戲玄都洽隱淪短衣草服不蔽脛朝汲江  
潭暮持甌星火初懸萬戶新城頭月白霜華瑩先  
生拍手呼小童虎林城西春正融颿忽相從踏煙

霧銀花珠樹高葱蘢須臾斗轉迴仙馭卻顧花神  
促花使擊碎珊瑚青玉枝不用紅塵走飛騎童駮  
不識凡眼驚甌邊粥熟松火明畫荻成圖氣成字  
隨煙入化神歸京回手招童童不應我自常勦世  
方醒應醒俱去聲韻

雷峰覽勝在姑熟城外數里

行行訪幽蹟遂入蒼霞裏小徑蔽深陰石泉散清  
泚旣躡登山屐復礪漱石齒奇壁懸古藤仙巖列  
文梓仄峽窺雲生溼翠零衣屣欣然坐高峰懷中  
墮松子

寓所感懷

迎簷樹色晚蕭森半闔玄扉靜養心鳥語幽軒初  
破夢月來松牖對彈琴遙天帶景連吳會羈客登  
樓自越吟三徑未荒籬菊在荷鋤何似復依林

訪無念師禪室

猶似林公隱禪棲野徑分傳燈標指月洗鉢破溪  
雲樹色虛窻滿鐘聲夕塢聞坐來香氣歇潛悟入  
無文

對月感懷倣古

流雲濯華月靄靄凝天葩中有雙飛仙騰駕紫河

車羽衣拂輕縠霓裳生綵霞星闕旣已迥七襄徒  
爾誇安得攜支機一往追浮槎

其二

明月皎夜光徘徊出雲端懸此千里輝照耀青琅  
玕所思在何方江天臨暮寒之子阻良會綿邈無  
餘歡夜靜星斗墮天高波浪寬世運苟如此吾其  
驂紫鸞

其三

涉江采芙蓉葉密露下晞蘋末清風發夜月流金  
徽浮雲忽以暮幽陽遂淪微去去何足言兩心慎

無違

其四

南國有美女姣好方及笄盈盈當窻牖被服垂雲  
霓月色不可照流輝自東西妾有雙明珠綴在青  
鸞鏡何以纏綿之五色燦文綈光彩惜不發遲君  
來遠閨願君一迴顧望望空凝睇

其五

夙昔諧連理矢心恒自持君如瑤臺月澄徹無瑕  
疵妾如月中桂歡言兩不遺靜夜凝清光拂拭珊  
瑚枝托根蟾窟中幸無秋風吹榮瘁非所念三五

隨盈虧嗟哉樹下人摧斫徒爾爲

答孫仲仙年丈訂觀梅之作

共道揆幽處荆扉傍野萊素雲千頃合霜樹萬花  
堆伴月來清夢閒吟倚落梅遲君過訪戴重與賦  
天台

欲訪采石而三見阻雅懷不遂詩以酬之

聞道磯邊往蹟湮翠蘿環抱采江春玉戈北躍無  
前壘金粟東來有後身氣挾鯨吞雲影動波澄牛  
渚月痕新重過莫憚登臨遠爲謝山靈拭後塵  
青山在姑孰城表去七十里而遙太白墓在

言集卷一  
焉聞有南宮碑雖殘落字蹟未損而學士  
大夫不之知知之者復不能奮焉一往俾  
古跡淪于衰莽良可慨也

我懷青山人吟諷青山窟大雅有遺音千秋庶不  
沒玉質垂琳琅幽姿表靈碣如何百世下坐令芳  
草歇我來景高賢遙岑隔丹闕願言歌采薇收此  
璠璣骨遡洄如可從一酌青山月

途中見新荷欲開婀娜可愛口占成絕  
斂盼低顰有所思向人微解欲言時香風恣與相  
憐惜笑入郎懷郎不知

過金陵畱別澄心定水兩禪丈

曾有三生約重來石上逢塔燈連寶焰竹影繪虛  
空愧我非陶令多君竝遠公殷勤能惜別相送虎  
溪東

感遇

早自承清盼追遊強躋攀千秋知己業一劍報恩  
環意氣黃金盡才華白紵閒明霞復何事流景照  
朱顏

句容道上

衝曉晨光發驅馳車馬艱月痕猶帶樹雨候欲占

山蕭屑蟲聲暗縈紆草徑閒獨嘗行邁苦咨爾未能還

玉峰鄭先生以醫名世甲子旣周友朋咸集  
余始執觴進之曰心芥居士古所稱令德  
獲祐壽考不忘者于今見之矣旣知名于  
時德澤及于民以履茲介福登爾遐耄非  
其驗與又曰先生固善譚劇飲不倦胸懷  
落然其緒迺出爲軒岐世止以是重先生  
是徒樂其施眩於其名而弗叩其中之所  
存也請爲先生道之先生曰唯唯乃爲之

歌歌曰

玉峰山淡翳修麓甘菊泉香花欲熟中有至人長  
鬚眉坐對琅玕採黃獨意氣如虹顏如霞酒酣時  
過玉皇家高譚颿舉霏玄屑四座驚聞寂不譁經  
綸滿腹無從究陰功及人天所壽龍啓瑤函虎護  
林古聞其人今乃覲先生無言但莞爾世間甲子  
何勞齒試語麻姑載酒來好看雙鳧落雲裏

雲老旣得余作歸因自號雲岑居士乃次前

韻更贈一章

鷓鴣營一枝鳳凰翔千尋高標信孤往妙論開凡

言集卷一  
心有如清颿發空曠披我襟緬彼還山雲亭亭戀  
遙岑懷哉全所契拂拭丘中琴

為澄湖居士陸含貞壽

澄溪秋水流浩浩少微星高月出早斂衽不窺董  
子園覃精未謝揚雄草桂林香老秋正賒羨君小  
隱湖中花花光水色長如此金鼎瓊文那可誇

宛轉歌

秋旣深幽軒蟲復吟危情虛警不自續當空涼月  
懸夜心歌宛轉宛轉淒以清願為天與日光輝相  
借生

雀飛多

雀飛多啄田禾足趨趨尾摩娑啄粟猶可三伏下  
曝汝飛來啄我田粟稀雀啄肥竹竿嫋嫋奈爾為

孤兒悲

孤兒悲飛黃埃以頭搶地啼聲哀身是田家兒隨  
父耜種手芒足胝朝輸錢暮來輸粟烹糲舖縣吏  
縣吏苦不足負官稅分當箠頭白老翁杖下死悲  
噫乎天非吏之不仁曷不雨錢千緡

將進酒

碧玉為我吟韓童為我吹鳳笙爾能翻歌我踏拍

詩集卷一  
一杯一曲秋水清左手雙紫螯右手金叵羅掀髯  
仰笑青天枯安能不飲復不歌猛虎吟泰山仆萬  
金壽公公不顧披雲裘鞭玉馬明朝相遇邯鄲下  
夢中得中二聯足成之  
所寓亦云樂此生安有涯草堂閒下榻竹塢晚栽  
花樹蔚泉飛杪秋空月到家息心依靜侶晤語托  
兼葭

寄興

窮巷罕人跡寂寥心所嘉世方憎嬾散我自遠紛  
拏雨洗苔中壁雲生石上華閒情正蕭瑟門外莫

停車

送辜邑丞還蘄水

時丁外艱

佐邑名高茹蘂初攀轅無分擁迴車政聲愷悌家  
騰祝民力寬存歲有儲繞塢泉香棲舊墅滿牀花  
落讀殘書還將兩袖蒼生淚滴向孤幃夜雨餘

月夜泊茗溪

片月渡頭歇澄暉此夜浮霜華凝曙色星影動寒  
流落木荒原瘦鳴條古柘幽高情澹何許寥絕剡  
溪舟

立春日望雪有感

言集卷一  
寒林戛戛夜啼烏帝女遙憐杼柚孤故曳雲綃千尺素春風吹作萬家襦

雪霽後登閣遠眺

積素澆浮景旭日飛朝馭纖枝偃連卷高柯凜孤踞寥泐天地心浩渺滄海慮時見幽人蹤扶筇自來去

薊門行

寒堞十仞昏朔風吹薊門薊門烽冷驚相感烏鳶飢飛掠人肉不聞鋒鏑鳴但見婦女哭空城雀隱黃榆慎勿出聲相呼蛇虺來探汝雛君看王師足

訂謨明年飛騎趨□□

長洲王 詩元甲



寸碧堂詩集卷二

長洲汪 膺元御甫

雜言

春風到枯柳簷禽變幽鳴寂寞叩元化因之感我  
生微陽會升降形神自相驚攬此一掬慮千載非  
吾情

其二

文章道逾降藻繪安足陳豈不樂純素不如被結  
鶉豈不厭膏馘不如行采蘋居心苟未淨綺語亦  
喪真卓哉陶隱君日暮籃輿春揮手揖謝令君輩

言集卷二  
塵埃人

其三

蚤歲頗跳浪卓犖不自憐  
蹠躐龍文馬錯落珊瑚  
鞭金丸墮飛鳥玉勒隨  
香輶負氣使杯酒低頭降  
豪賢秋風紫塞遠夜月黃  
雲連爲君搏狐兔獵火  
燒平田

其四

羲叔驅朝暎纖阿騁雲駕  
短晷不停輪逝波無畱  
罇鶴白鳥自玄桃僵李代  
謝雕鏤仰洪鈞取之若  
傳舍誰言造化能已受萬  
物化眷茲無爲理寧甘

後起藉

其五

我行三神山臨嵐瞰溟澤  
孤雲抱兩角橫攬不盈  
尺玉女清角厲仙翁紫髯  
白坐覺混沌老豈獨滄  
桑易不見朱露晞朝瀼暮  
無跡

其六

春陰發華滋芳蕤日堪把  
草木非有情生意自能  
寫清景忽以暮白雲常在  
野殷勤桃李花誰復相  
存者

其七

言身卷二  
纖雲結微陰咫尺陰已移颯然玄景合元氣隨淋  
漓偉哉造化功不疾而自馳黃茵弗自誕神物固  
有期鴻鵠奮遠志鴈鷄將安施

全子石去疑諸丈夕月下支硎

奇遊愜清夜玄賞罄幽探梵唄嚴高宇佛燈連夕  
龕聲聞千壑靜水石一溪涵獨有光明月空山夜  
放參

後數日復汎小舸泊山麓步上訪空凡僧室

過嶺尋寒山故墅漱流憩石清嘯永日

晨華迎霽宇曉色動芳叢花影碧溪入舷聲淥嶼

通偶然乘勝侶相得遂遊衷雙屐欺雲冷孤筇咽  
霧濛坐來憐得意息久閱微躬似與清流會偏宜  
靜籟融玄肌濯冰雪永嘯肅崆峒稽古追禪逸探  
幽景梵宮羽儀紛未遠神駿亦淪空下榻參僧定  
分齋味道充殘煙炊竹露修綆汲松風剪栢供春  
爨開畦薦晚菘閒情蓮社裏舊墅柵林中香境能  
寥寂霞棲亦鬱蔥藤枯猿挂斷芝長鹿銜豐古意  
積幽澗新鳴轉候蟲引泉趨蕙畹畱石臥魚置清  
境能如此賞心誰復同冥搜緣絕遘坦履夕曛紅  
上雲泉攬勝遂憩凝霞閣以小竹箭射筍中

言集卷二  
三  
者食之

淇園千畝陰幽翠恣婀娜  
椽分魚子出籜卷龍兒  
裹石縫摧玉班雲姿碎  
金瑣凭閣騁僻嗜臨檻縱  
輕筇未成賦老饕且用觀  
頤朶莫嫌漢川守一粲  
噴飯顆

午餘有小雨旣霽遂肩輿去從大石至陽山  
嶺路數重左顧諸峰噴雲漫薄如驚風之  
捲密雪零亂人衣裾咫尺不辨物右顧山  
麓則斜日晚麗繁花若繡雲中騁望如錦  
之濛霧穀奇觀極矣非有目所能繪也

景物煥奇麗繽紛及此晨過山雲聚族踵路石迎  
賓向背分嵐色行藏互日輪不愁風雨暮欣爾萬  
花春

是夕有微雨仍霽遂宿綠雲居  
絕巘倚天闕蒼然不可攀野人尋藥至枯衲杖雲  
還松露滴芒屨遠峰垂玉鬢空山飛雨處一夜卽  
潺湲

箭闕在其巔壁立對峙相去數武夜半日出  
適當其間爲西山絕勝以雨故不能夜陟  
旣明乃上望笠澤諸峰雲濤夾山而立尤

言身卷二  
四  
足奇也

宿雨欣膏沐零露石上溼捫葛升青蘿晞陽耀原  
陁連峰邀侶過重雲夾山立浮桴紛落鶯墮磴儼  
負笈雙闕開芙蓉象緯動呼吸合坐當懸暎聚足  
拾危級何云恹流霞松花倘可挹

病起遣懷

已分居貧足何堪病骨侵趨庭惟茂草代嘯有鳴  
琴漸近藥緣熟強探醫道淡今吾亦忘我坐永日  
觀心

其二

林臥漸忘累高齋成獨吟手閒時做帖髮嬾卽抽  
簪短榻畱煙雨虛衷橫古今送窮要未得一往湛  
浮沉

出塞

角鼓風高畫堞摧邊聲乍擁陣雲開龍砂磧裏人  
應望又是單于牧馬回

夜吟

寥寂夜氣清月色照高樹時聞遠山鐘遙遙出煙  
霧

喜仲仙又過訪且有詩見慰

忽至三青鳥還畱尺素書丰標雲外接禮法病中  
疎草色衡門掩苔痕花雨餘奇文堪愈疾長此慰  
離居

盧龍行

鳴沙撲地口雲黑衰笳夜競燕山北馬後橫擔婦  
女衣旄頭亂颭胭脂色城邊坎坎鼓無主城門半  
掩落花雨縱橫白骨紛于土趙郡平原復誰數臨  
高臺遠望盧龍塞草君莫哀不見郅支口當風口  
口灰

日起

幽徑無人草自生連牀花發石泉平何來風雨驚  
秋聽靜掃空堦落葉聲

送家伯父來翁海南

夾路棠陰萬里稠水雲深處一麾畱東山特起蒼  
生望南極迴瞻碧海流載酒漫題榕葉冷採風應  
及鐵花秋歸來甸宇波澄日蜃闕光含曙色浮

賦得俠客少年場行送別王自然

仗劍者誰子遊鑣黯行色脫身黃埃裏悲歌燕市  
側壯心厄華年慷慨涕霑臆玉壺忽破碎白日懼  
淪匿悠悠衢路間懷瑜不相識吾聞黃金臺乃在

易水北蕭蕭落木厲颯颯寒風直驅車重去來共  
奮溟池翼

明妃詞

琵琶聲度漠雲紅禍水旋移帝業空莫怪丹青流  
顏色不教人說遠條宮

謝張業師分遺水仙

高齋分遠韻幽花照寒莎疑有紫霞骨珊珊來素  
波微芳欣見遺所思在山阿愧乏歲寒心奈此瓊  
琚何

少年行

千金龍劍百金裘銜服鳴鞭傲五侯翡翠樓前教  
蹴鞠櫻桃花下試驊騮

閒居

編葦葺蒲我室游娛肅肅庭戶古今其趨

其二

衆鳥几几循林知歸匪曰擇木履靜無違

其三

素雲浮煙靈光照牖我觀明月入我懷袖

其四

物生于心亦死于心木勞歛發水汨泥濘

其五

長松偃蹇白石巖  
峯時聞清音橫琴在  
剡

其六

驚可鼓乎軒可舞乎予  
鼓予舞亦莫予惡  
繫誰之居柏庭是伍

荅禹仍兄問疾

茂陵詞客病維摩  
盡日眠雲賦綠莎  
幸有神芝畱傲骨肯教古井動  
微波蕪菁花冷苔平護薜荔  
牆荒月上多老我閉門君莫問  
幼輿猶不廢狂歌  
養疴棲碧堂走筆書所適

荒畦土暖共鋤雲草長  
芸芽水長芹永日自修蔬  
食譜虛堂閒寫放生文

其二

寒水泉香古定瓴  
閒從野老問茶經  
漫敲白石分新火  
試取松風雨後聽

鶴阜山

張君度爲鶴阜黃先生寫影著石巖中湛

持氏爲之序玉淙居士從而贊之

賓之無鄰壁立川  
唵放之無垠木蔚  
山溪有構斯宇匪巖  
匪石道心馴素玄文  
儺白穆如神存雲生



几席

來日大難

日月逾邁企云莫追人命胡其危泊如飛鳶入雲  
東西南北高下無復自持揮光執水逝其去而吾  
將遠行馳驅駑馬跼足道疲拔劍斫樹風逸樹悲  
山窈谷深虎行求妃今日不行樂明日會有期

行路難

遠行無一陳贈君以微言日月窮合照涇渭分殊  
源平心虎豹馴失意蛟龍翻飛飛野田雀側身蓬  
蒿原

秋夜止靜

寂坐抱聞見澄氣滌幽遐清暉迴有鳧內修無根  
芽闔戶萬象明神臞理以奢徒然竹柏意持此悟  
紛華

正初丈善琴奇古寂歷愴賞永日

虛室祕幽響孤桐流素音楓搖霜影落月印寒潭  
淡我期古人聽君懷高士心因賡廣陵奏想見玉  
山岑

題張君度畫冊

其一

言身卷二  
橫松截雲下無根株孤鶴獨踞翹足放睨  
心知舊丁令睠此復來依修翮更終古蒼松今合  
圍巢空孤月墮衣冷片雲歸城郭類疇昔人民知  
是非

其二

柏苔班剝枝幹雲竦雙鹿嘖嘖嗚呼其友  
蒼白不異質吾聞千歲移全生疑道用服氣亦天  
隨環擬瑤濱獻牌看上苑迷野萃何足羨盍採嵩  
山芝

其三

叢棘攢立原草猗靡有兔馮依爰居爰處  
不擬中書顯猶仍東郭名環山情已息抱月影初  
生樸楸尋荒棘迷離守故荆緘唇非爾及三窟復  
何營

其四

野有舒鴈唳頸展翼孤影娟潔山花欲然  
猶憶山陰墅秋聲靜渚煙草喧沙氣聚羽淨浴痕  
鮮獨立從無侶離羣恥受憐換書吾不惜籠致野  
人前

其五

言集卷二  
一  
稼畝垂雲螭蚌橫籀淡秋風味于茲可想  
輪困非一族郭索此稱豪拾穗香初冷含芒玉已  
膏紺枯經霧眼紫擁帶霜螯試剖金橙穰相期賦  
老饕

其六

兩羝一羔或齧或立平坡墻琅草豐沙煖  
澗角依風立寒原帶燒屯未看日夕下已見雨工  
馴躑躅青林歇蒙茸碧澗頻不須爭挾策臧穀是  
非均

其七

稠桑倚石兩雞粥粥雄飛引偶雌立竦聽  
嗟爾猶微品喈喈月隱扉幾經風雨晦不惜稻梁  
肥聚食仍呼族羈棲亦引妃主人矜物命桑柘得  
高飛

其八

疲足蹇行率彼曠野如聞商歌扣角歷歷  
農人倦筋力驅犍下荒荆風動野田兀日斜桑柘  
明耕犁隨候足禾黍更秋成辛苦且歸去明年春  
犢生

其九

言集卷二  
風蒲獵獵雙鴨浮浮紅蓼綠蘋一碧涵漾  
羨此蒹葭意偏宜水國涼浮沉欺藻冷清淺護芹  
香共唼分波動齊牽引澱長莫教輕打泊汀際有  
鴛鴦

其十

有客山阿寒香盈抱停蹇駐策仰睇石壁  
天意垂欲雪寒英殊未開長吟洛生咏獨眺幽人  
懷絕壁凝餘溜古藤粘凍苔凌晨佳思發春色灞  
橋來

貧徭行

官人重計吏簿書迭更置計吏堂上趨官人坐堂  
隅計吏行人幕官人高畫諾縣中有貧夫秋風生  
敝郭炊煙間日舉短褐不蔽襦素無欣戚慮彈琴  
自游娛忽承計吏書官徭被其軀借言問計吏往  
役亦有徒城中足豪橫阡陌徧徵租閒田追蹴踰  
列坐陳笙竽貧人常苦瘠富人常苦腴但憂溝洫  
填那知官意殊計吏怒目嗔定教汝賤貧富戶藉  
緩急我不欺官人

聞家伯海南計信

吾家謝安石晚起爲蒼生瘴海初驅鱷炎荒已馭

鯨枕椰空摘葉鸚鵡任呼名猶憶圍棋處悲哉萬里行

猛虎行 時有大凌之役

虎行深山藜藿弗採豈不懷飢猛獸猶在玄谷陰  
噎風雲旋改 雖有爪牙匪矜其利雖有文章匪  
炫其器匪驕伊危匪動伊躓 驅之馳之又繫維  
之窅牯交前網罟胷頤猛虎雖猛乞活奚施

招友

澹月窺涼夜微雲冷素秋期君攜斗酒共上竹西樓

明妃

蛾眉無奈玉關何漢月空懸照綺羅胡地祇今芳草徧宮中只是落花多

古銅壺咏

架上古壺蒼玉環素光璀璨錯蒲萄斑石鱗鎖翠虬  
甲垢苔暈迸霞猩血殷鏤理剝蝕豈漢塚篆文追  
琢猶泰山主人頻年謝賓客獨對此君時莞顏

宮詞

瀛海春和曬箔天柔柔風動子初眠自攜彤管陪  
雕輦記取親蠶第一篇

讀史

太真侗儻士所志在功名胡然絕裾去蹉跎奉母  
行失足千古恨口碑遂縱橫因嗤隆準兒侈口分  
杯羹餘生幾擁篲倖脫五鼎烹英雄語欺人被謗  
乃獨輕

其二

煌煌獲麟紀紫陽闡其幽孽閏不干嫡况彼□□  
流如何□□□儼焉帝中州歲當書甲子人乃爵  
林丘黜名埒莽壘敵國進交龜庶揭天地心一洗  
日月羞豈懷魯連節其義存春秋

其三

四皓采芝去落落空山寒不爲子房屈寧邀哲后  
歡漢庭徒耳食山鶴題鵷鸞儲皇假羽翼優孟空  
衣冠吾言豈無徵著之在稗官赤松與黃石其事  
尤難搏

辛未除夜

造化無心任轉環漫吹冰谷起凋顏香傾竹葉初  
分歲春到衡門自掩關風雪不驚雙鬢冷年華猶  
借一身閒明朝隨分攜筇屐踏破寒雲看曉山  
江右士王沔有武幹薄遊吾鄉窶甚爲致斗

言集卷三  
米宿肉

相遇風塵間殷勤無一言意氣豈不懷所貴非盤餐咄嗟翳桑下後世有平原

荅禹仍兄送惠山泉

吾子寒泉心恬義愜幽賞素月靜譚笑抒襟競秋爽與子神明交飲醇有餘益忽此山中味發我清溪想玉鼎涵素濤松聲杳奇響寒骨一以傲丰期自來往知君敦久要澹泊以相獎

暇日過虎丘

忽復念山水高丘汎物華野寮新鬪茗溪艇半航

花劍色龍池古苔封鹿徑賒心知白雲在嘆息此幽遐

遂憩寂上人方丈

宛然高隱外萬壑老雲蹤結社依喬木到門聞遠鐘葵園清露滴茶墅夕煙封不厭能來數相期話北宗

全寂上人晚步綠陰中

偶此翠微步欣逢杖錫回褰衣雲路溼小坐澗芳開竹色連晴壑泉源照古苔黃鸝猶未歇幽興待君來

其二

摩娑柏陰下幽賞寄林山此路看雲近伊人素履  
閒寒泉隨地脉清磬落禪關忽覺心寬寂于巖夕  
照還

寓雲上人齋室

山棲萬念寂孤坐掩雲門月白琴言靜林香鳥語  
繁洗心持法偈避地得花原亦有玄中契神存吾  
不論

寄謝郭丹翁老師

欣承冰鑑辱鈞陶不惜雲霄借羽毛綵筆浪傳鸚

鵝賦龍光時荷鷓鴣膏千秋業在勞青眼四海身  
孤冷素袍卒學河汾知未遠撫躬何以報投桃

納涼

高丘爽氣何佳哉老眼兀突青天開雨過一峰兩  
峰出松吟千壑萬壑哀夕嵐合杳鳥上下秋色鴻  
濛雲往來古蹟翛然那可問石池劍塚今莓苔

和白道人紀夢行

江海亦有心松柏亦有楨翁也蘊厥嫩被褐而懷  
瓊煙雲老彌勁篆籀蚤已鳴吟笠蓋白髮枯髯生  
紫莖不顧造物忌恣取日月英風雷感夜半果與



八言集卷二  
厄運并神宮語叮嚀握臂要君盟履亢物斯惡牧  
卑謙可旌曳輪終有吉君子戒其盈當知爾生晚  
吾道存孩嬰

避炎織翠樓下竹林中掃落葉烹茗彈琴作

清暑供

我有明月英兼之流水吟想見萬古意清風生竹  
林麴蘖亦有託昏昏非我心

養靜僧舍口占

斗室亦云陋謀生今更廉留雲圍竹檻捲翠作山  
簾鐘磬破白日薜蘿生紫髯天花猶弗染空色竟

誰拈

宿天寧洲

寒江吹荻晚澤國駐雲閒澹月涵秋水踈楊逗遠  
山槎人攜石去鮫客弄珠還爲訪成都易應疑犯  
斗間

泛秦淮

一片清溪影雲光面面吹迴波晴獻綺曲檻曉流  
脂渡口傳桃葉樓頭舞柘枝過江誰第一蘭櫂日  
堪持

下江阻風仍宿天寧洲

太古風斯在高丘樸未刈何年鯨背曝此地鶴巢  
寒戶插籬根菊人栽筍籜冠兼葭期未晚江水正  
波瀾

過金山

疾風驅孤帆颺息千里至晨興望京口清思雜餘  
寐金山如飛仙煙鬟動蒼翠明月綴兩璫芙蓉緝  
幽帔獨立洗滌外片片雲光墜秋色澹其間不妝  
自妍媚一水曳輕裾羣峰浮墮珥奇徑逼靈響空  
江鬱神異俯仰寧有窮溟濛儻可企如探玉女懷  
凡得幾瓊璣

京口訪孫仲仙

尋盟初未偶秋色故人殊朗月窺譚宇清風入唾  
壺問奇立字僻結侶素琴孤知有天台賦吟成擲  
地無

咏雪

自憐幽徑往來繁斫月連雲覆短垣青白頓教山  
眼換高危不耐鶴巢掀散花天女來祇樹摛筆詞  
人老兔園我輩肝腸渾似此參差笑殺党家媛

秉心居對月

仲春初望褰袂庭隅于時露容新沐花氣

交光豔吐香膏寒驚玉笛宛孤山之猶臥  
紉九畹之餘芳雖不足曠想瓊田挾思金  
谷予以含光漱潤攬物攄情寄超然之致  
而履幽人之貞裕矣

青天涵綺情流月盪虛牖澹宇經素斐真意洽雲  
藪冷然足清娛妙繪不容手充庭攬夕輝含英咀  
瓊糗光氣兩不殊甘芳達于口至樂見性餘所貴  
非芻狗返彼虛白堂色香復何有

石門道中

煖氣蒸雲水拂窻桃花桃葉渡春江女郎不解歌

持楫纔學吳音又越腔

飛來峰

巖谷有改移體性無起止饒伊海潮翻不動須彌  
主始知飛來峰山僧寓言爾

其二

日月烏兔旋大地龍蛇走動靜兩有情去來本無  
偶試問飛來峰脚跟立定否

過法相寺取路由六橋歸

蓮徑無人茗作衙閒尋山骨遡煙霞峰頭宿雨連  
雲住谷口流泉枕石斜遊客門風叅玉版山僧鍋

竈冷芹芽吟鞭晚出桃蹊去笑躡西陵問落花

湖上放歌

有癖不須除山光自堪掃有酒不必傾花香自堪  
倒五日楊柳蹊十日西泠道眼波招不來桃花吹  
不老如啖鮮荔枝中邊皆美好浣淨癡肥腸放此  
光明寶吟蛙與決蝸啣他眼腔小

登華山蓮子峰

數里入松徑一溪廻玉岑清漪悅文思白石激雲  
音眺遠通幽想馮高蔚素吟寶蓮根不墮此地足  
薰心

孫仲仙過訪畱集小齋

不厭貧厨薄來叅玉版師名山雙屐徧慧業寸心  
知夙約過梅子新詩付雪兒坐來梧月冷樽酒愜  
離思

秉心居

狹巷疎垣陋亦安考槃真羨碩人寬坐來棊几墨  
痕薄搜得奇書記性闌叢竹有孫雲啓宇閒花生  
子蝶添餐莫嫌貧病常餘嬾無力難消菡蓂盤

夜宿陸舫聽雨

寒雨集宵枕寂寥孤響傳最令春樹喜偏與夜鐘

懸靜灑窻疑雪平敲竹似泉不知幽谷裏添得幾潺湲

贈自度上人

度好遊適從天台歸藏有枝山帖

振錫來何所天台白玉梁山川多道眼宇宙一飛

霜好古蘭亭在披函貝葉光游君清淨海應得共

慈航子時寓樓名陸舫度之燕室也

緩歌

新正二日始晴

青陽吹景晝光白晴雲雨雲散如席山衣倒卷開  
修屏水縠輕迴旋圓璧誰家蚤歌楊柳青芙蓉金  
縷雙銀甌流光媚景少成壯昨日已過君來聽

蓮掌歌

我願身居蓮掌上一葉香臺寄來往海岸三千不  
擁濤扶桑倒挂金輪響大士呼來滴水巖靈泉灌  
頂聲嘛喃海中雷吼雲龍起不動蓮華自在帆

岳忠武祠

汴鼎裂長城摧莫須有櫻風雷日西馳不可迴冬  
青樹號狐狸碧花恨草相離披百年口運吹作灰  
祀公何許湖之滸朱干龍爲旗公惠來思尚見之  
長白山黃龍府喙息游竟敢旁午投袂雲關怒羆  
虎吹鏡痛飲酬千古

陸忠宣

余時寓陸墓瞻公像

吾讀巷伯詩未嘗不雪涕翳彼讒譖人豺虎所弗  
祭木毀蠹斯生公去若或捨青蠅止垣隅白麻裂  
庭下任喙曷足矜松檜冷然在湖光環碧珠峰色  
連蒼黛晨驂玉女搗夜舞妖蛟態吐納雲與霞公  
之文章耶

于忠肅祠

吾微忠肅公被髮銅駝陌天地震蕩時公獨作鼇  
石不驚鐘簋靈已護飄搖宅維昔薊門秋烽火甘  
泉赤九關嚴虎豹千壘變旌戟神武洵天授醜口

咸辟易匪曰師臣謀曷贊闡中策將非公定謨再  
試再有獲皇哉仁人功溥矣千年澤

麗日放歌行

風澹澹日浮浮天公玉女笑藏闔温涼素玉光雲  
秋勝天天喜開青眸臣妾無所求願得飛廉退舍  
天吳寢遊接抄日月奉瓊樓朝隨暘谷暮丹丘踏  
瑤車攬雲蓋霓裳泛舞青鳳起珠璣亂落成桃李  
帝顧謂天孫是兒不堪理藉以集芳之山葛坡之  
水一曲春煙割鸞尾莫共巫峰雨雲語

葛坡春望

詩集卷二  
三  
溪人使船如使履小舸斜倚春陰裏出入先攜桂  
玉橈鯉魚風煖雙綸起堤上香塵碾香卉妾乘油  
璧郎驄尾松柏懸針不縮絲同心只有青門枝

十景塘

朱圮連雲邪繁陰盛桃李春光凝煙暮花香過流  
水柳絲織雨線經緯隨風起持贈高樓人千條不  
成綺

是集皆先大夫手選當先大夫存時命僕徐倫  
繕寫中多譌字未及悉校今琬擇其可知者略  
加是正其不可考者固不敢以意妄改也男琬

謹識

寸碧堂外集

詞曲附

謝友人惠蘭

雨集荒畦煖香分紫莢  
深風充君子佩足稔故人  
心芳澤迎芝宇幽馨老澗  
陰似憐同臭味靜賞一  
披襟意康高選春蘇爽

代贈心菜居士

我昔聞諸稗史傳  
上古治病軒岐先  
審測陰陽五氣宣  
洞垣披照藥力全  
有如射者控危弦  
彎弓駐馬惜不前  
一發命中體勢翾  
咨今之人不宿研羅



列芝箭紛猶荃雜然齊進希安平譬彼虞人張機  
權環置山阿網巖巔妄冀弋獲驕鷹鷂殺奔颯走  
各自便中者百不得一焉嗟哉國手無由駢繼之  
伊誰君后賢粵余中子邁奇邁刀圭競投癖益堅  
君來意氣高遐騫褻裘揚揚被兩肩鬚髯亟張驚  
四筵咀嚼靈樞玉枕篇消息造化元氣還和合參  
著引用口羣疑爭持未敢然功歸先生咎斯專霍  
然汗浹宿痼捐非斯人歸誰與延我無百斛珍珠  
船載無千鎰黃金韉願持長歌壽君前君家家世  
何聯綿舊業青囊肘後纏玉峰崔萃鹿城旋婁江

西望清且漣卜居依隱隨神仙惠然來思豈有緣  
持危拯困扶其顛先生高誼追雲天醫非我名聊  
復然促行垂足扣兩舷長吟卻返棲林煙

新種竹軒下卽生筍漸解籜

緣堦雨過石苔生剝有琅玕送晚晴應念小窻雲  
影薄併添龍子作秋聲

蘇當七夕謠

靄靄河漢清肅肅瓜果列兒女競矜巧吾謂不如  
拙履素道彌敦務華根乃絕莫拙如雙星窮年積  
勞愒盛時良會阻乘運精神悅空袖不報章牽牛

不服轍一水須臾間迢迢弗容柅巧拙吾何知委  
心任流闊  
病當秋影瘦愁積夜吟枯練性蝸居足謀生鳩計  
孤漏雲規月璧密霰綴簾珠卻羨初生竹新陰徧  
碧蕪

明妃詞

不斬口口斬畫工漢家立信在和口可憐黃鵠歌  
聲遠無復單于拜殿中

待旦

擁衾未成寐薄曉夜繁清殘戍聲猶急寒空籟欲  
平鼓催魚市罷月墮鵲巢驚恬淡德園邈希微道  
氣迎撫躬知譽積多病得慙生幽意誰能會懸情  
待啓明

除夕

楫拙鱸紅芋子斑翻因多病得身閒年華莫漫驚  
雙鬢不上山人自在顏

養病棲碧堂

正初丈善琴余  
時時臥聽之

筍席冰凝倦眼明晚風香送豆花棚閒心欲覓游  
何處百衲琴中太古聲

與君參破看山謎非指非絃別有聲領取精神雙  
寂寞匣中指上總能鳴

與雲老共話平生樂賦此卻贈

野人卜築欲何如野有荒畦篋有書編竹門低剛  
礙筍護橋石出暗通魚黃柑釀熟飲不足白紵衫  
輕樂有餘君來共話三山事高躡浮雲同卷舒

答維億來訊

維億弟初赴日南許假我園居  
既渡海有書問慰賦此以答

謝家池館獨凝香所謂伊人此一方竹裏泉飛移  
藥碓松根月落過繩牀支離帶緩休文骨任係金

空陸賈裝遙憶瓊南秋色冷小坡題葉徧桃柳

秦淮戲占花月回文

仍限首  
尾一韻

春花踏月繡鞋新夜月行花步襪塵人傍月明花  
意嬾鳥啼花冷月眉顰

其二

簫吹夜月臥花飄錦燦春花伴月嬌邀月對籠花  
院靜招花待影月庭遙

其三

牀聯月色花拖碎珮擁花陰月印涼妝露沐花迎  
月澹粉香流月倩花芳

其四

柔枝護月畱花落曉鏡涵花倚月羞樓轉月寒花  
送漏酒浮花滿月臨秋

讀史

有三首  
入正集

卓犖張魏公束髮懷君親才疏蹶遠道識薄闇知  
人立臺旣擯李推轂亦相秦三敗豈遺烈一隅忘  
徙薪區區抱孤憤今古為悲辛

旦起

新霽鳥聲樂晨牖涵光昱幽人偃高軒擁衾戀餘  
燠習嬾性已成食貧理奚感抗志托葵素清齋薦

杞粥未酬安仁願徒勞屈平卜負郭儻可耕吾道  
甘韞匱

真姬墓

風流南國宋王孫曾笑登徒未入門解賦東隣斷  
腸句何妨歌些與招魂

俠客行

出門夜半去約束黃金裝星斗隨身掣龍蛇繞劍  
光寸心殘漏永一諾十年藏樽酒猶未徹恩讎那

可量

鵲巢行

鵲有巢鳩居之鵲來歸鳩間之顧爾雛將奈何羽  
毛豐力不如天黯澹雲生波雄鳴逐婦晴來呼一  
旦緩急誰與徂鵲行勉自力彼方家室自相逼安  
能容汝以爲德

元日

元日幽棲景雲濤盪四虛閉關惟檢曆驗候欲占  
畚樂矣宜空谷穹然獨草廬但令心自適吾豈厭  
耕鋤

見白髮寄兩弟

三十過來事事窮一絲華髮謝春風我欲徧教頭

上白與君俱作看山翁

殘臘

歲律漸以改悠然心所懷雨痕猶帶屐雪意不寒  
梅屏迹依琳宇探奇註玉杯榮名吾弗競虛室候  
莓苔

除夕

童子攜鑪煨晚芋山隣炊米餉春餐何嫌折腳鐺  
中味只似天台退院時

賀新郎

君萬弟赴婚湘  
沅遙有此贈

玉露吹香荻政瀟湘晴雲一曲水明沙碧嫋嫋芙

蓉秋風裏飛度江南春色試騁望佳期何夕乍向  
仙源花底路倚輕橈半欲迷香國又蚤是花迎入  
明珠翠羽紛相籍羨如雲涪陽帝子降來薌澤  
瑞靄繽紛過蘭芷玉京瓊闕相匹况又有瑤華凝  
白待倩藥珠飛鳳侶對舞徧霓裳理清瑟又豈豔  
比雙翼

浣溪沙

苦雨

宿草酣花黯未收綠漪新漲小鱗浮柳綿欲下不  
成毬飛沫卷珠過水面溼煙拖雨上雲頭多情  
強半爲登樓

鵲橋仙

戲翻秦楊諸  
公七夕詞

鳳杼流雲鸞梭駐月共道雙星畱迹也隨矜豔也  
隨憐若箇曉填橋消息塵土千年仙源幾日况  
是天邊時刻歡情那便隔年期算只似人間夕夕

沁園春

仲夏  
感懷

豔簇榴紅輕浮藻綠炎景初逢待倩他海窟招來  
涼月馮將池館賒與荷風散髮青林脫巾石壁任  
教箕踞倚長松高引眺看山頭雲薄眼底天空  
那堪心緒難同嘆青驄空躍舊遊蹤有酒傾肺腑  
澆成碗礪愁薰顏面撮就冬烘醉後歌騷尊前檢

句謾誇長劍挂崆峒休起舞怕驚回絮雪擊碎芙蓉

長相思 曉行

曉雲攢曉波寒點點青山出樹端行人不耐看  
客懷單客愁寬打併離情托小鸞天涯無淚彈

浣溪紗

薄薄香雲穩稱肩鳳頭剛襯小紅箋  
榻來堤畔踏輕煙鳥學新聲窺翠幃  
蝶知芳氣上花鈿箇人何處不堪憐

應天長 庚午除夕

烘爐擁木新帖換符闌珊夜色如許  
眼底流年若箇殷勤解畱住雲耐雪梅憑戶  
算未改歲寒心暮又無奈紫玉簫中一聲  
偷度燭影漸催曙萬縷閒愁拚擲一宵去  
付與東君收拾殘林斷煙暮明認取堤畔路  
問素玉漫飛何處恰還是景色前春灞橋相遇

菩薩蠻 咏水仙花

盈盈遠水涵芳碧冰姝夜擁歸綃室  
洛浦影分嬌斷腸竟可招玉壺春一綫  
驀地凌波見解佩願為雲還畱月作賓

憶秦娥

紀夢遊

春如沐乍迷香苑櫻桃熟櫻桃熟緩尋芳徑恰逢  
雙玉仙雲半冷花新斲鸚哥解道人來促人來  
促如何笑向小欄杆曲

黃鶯兒

問起恁嬌羞逗情絲一縷柔柳枝低軟花消瘦春  
山兩鈎春心兩眸行時憶著眠時又幾經秋武陵  
迷後細雨落紅愁

仙呂入雙調

除夕

步步嬌

晴逗瓊葩韶光轉玉砌香猶淺良宵共綺筵銀箭  
初傳欲別情還繾白紵試新絃仗清歌喚起春如  
綫

醉扶歸

煖溶溶翠袖籠香篆燦紛紛銀花散綵煙浪愁多  
情債惹鴛鴦但年來心事隨飛燕無端春興入流  
年徘徊還向燈前見

皂羅袍

堪羨玉梅低撚問東君消息眼底誰傳瑤華凝駐  
彩雲邊東風漫過閒庭院寒歸何處簾垂暮天陽



回何處枝籠澹煙紅樓一夜笙歌徧  
好姐姐  
從今莫教意牽總今宵破除銷遣閒愁舊悶都送  
入殘年添新戩瀛洲壽算河陽選更金谷風流鄴  
下賢

香柳娘

願春來盡駢願春來盡駢賞心誰羨玉簫吹徹餘  
寒淺聽鐘聲欲傳聽鐘聲欲傳離別有誰憐一杯  
且教餞撥寒灰更然撥寒灰更然無計畱連只得  
放伊回轉

尾

天公耐把芳辰展可是去年人面待看取妝點春  
華出上元

商調過曲

端陽

二郎神

薰風爽傍雕欄正葵傾日澆玉壘巢空新燕長低  
飛掠水欣逢時序端陽徧結香蒲懸翠幌逗離情  
又添新况是誰行竹西歌吹徧度與凄凉

鶯啼序

喧闐何處哀楚湘蘭橈雙趁桂漿怎做得桃葉迎

郎空自有椒花催浪看投糝龍沫波浮悲沉黍綵  
絲輕颺都虛詭剛載得暮愁千丈

簇林鶯

心自快念怎忘問懷沙人那廂平蕪天遠渾難望  
新知味長別離意傷生譜出斷腸情況騷辭上路  
微茫夢竟飛渡欲附綵雲航

啄木兒

倦追游嬾下牀玉秫炊香無意想掩珠簾艾虎懸  
鈎引清颺紈扇回涼更難忘榴心細束千重絳蘭  
湯輕沐三生浪紅袖雙纏一縷長

滴溜子

橫煙暮橫煙暮哀些楚江凌波渡凌波渡笙歌晚  
涼玉燕鏤成新樣奈飛不到瀟湘空懷悒悒怕對  
宜男嬾帶雄黃

水紅花犯

又是佳期虛枉倒芳樽誰與嘗裁昌歎疊絳囊總  
添將相思魔障靈符驅辟未全降住膏肓層層續  
上恰還如花繒縈臂一絲絲縮斷腸只落得淚成  
行也囉

尾

夕集  
花箋寫就丹書樣分付靈蛛持上待問取月窟蟬  
媛甚日雙

是卷皆逸詩琬得諸故麓中遂并詞曲附錄焉  
先大夫生平爲詩最夥稍不愜卽不入選以是  
頗致零落琬兄弟旣早孤駮小無知未及一  
收拾此琬之罪也撫卷流涕不知所云男琬謹  
識

先大夫字元御自號玉淙居士明天啓丁卯科舉  
人

皇贈奉政大夫刑部郎中年十六而孤二十而補  
諸生二十四而舉于鄉越明年崇禎戊辰試禮部  
不第歸踰二年而病咯血又五年而歿年三十有  
一是時琬兄弟方幼未知恪守先大夫遺書也稍  
長則繼以兵燹播遷流離蓋手澤之散軼者十及  
二三矣惟是編爲先大夫所自定琬雖遭患難輒  
攜以從先宜人幸而不罹於盜賊不毀於水火故  
至今畱巾箱中嗚呼自明萬曆之季吳下能文章

家莫不祖公安而禰竟陵而先大夫之詩顧獨不  
溺於風尚如此今者值 國運休明肇興文學之  
時名公鉅卿類能以起衰振靡自任然則詩教其  
復昌乎儻覩是編必有知先大夫之志而深悲其  
早世者先大夫庶幾不亡矣男琬謹序



聖人之道載於六經學者能從經見道而著之爲  
文不使經與道與文三者析而不可復合則可爲  
善學矣漢賈誼董仲舒劉向揚雄之文皆湛澹於  
經術而道卽寓焉斯時之天下知有經學而已唐  
韓退之能原道之大端而未悟其精微柳子厚聞  
性善之說於僧大鑿李習之亦嘗著復性書雖漸  
有求見道體之意然其所以正告天下及詔後學  
以爲文之本者未有離經學以立教者也宋史分  
立儒林道學兩家後世學者遂以歐陽曾王蘇氏  
爲文章之儒周程諸先生爲道學之儒而文與道

爲二究之歐陽曾王蘇氏之文未有不原於經不  
窺於道而可粹然成一家之言者是則三者始未  
嘗不同其原終亦不可析而爲二也南宋之文獨  
朱子能闡經以明道自陸子靜楊慈湖之徒勑爲  
六經注我之論蔑弃章句不復措意於文章於是  
儒林道學兩家判然不可復合文章舛陋經術支  
離而凡自詡爲見道者其流敝遂相率而爲無忌  
憚其害至今日未息也明二百八十年中文章可  
宗式者歸熙甫王道思歸蚤聞道於魏恭簡證道  
於程朱道思與唐應德王汝中友善亦稱聞道者

然其立言必貫穿六經之義故其文足以繼前人  
而信後世二公歿後百餘年而我郡有汪荅文者  
出其始亦僅志乎古人之文習其矩矱而已旣乃  
知文之不可苟作必根柢於六經而出之然猶未  
得夫經之指歸也益黽勉窺測於道之原而得其  
所以爲經者遂能貫經與道爲一而著之爲文洋  
洋乎積數萬言而沛然不悖於聖人之道則其文  
之足傳於後世而近繼歸王垂絕之緒遠躡韓歐  
陽諸公無疑也予媿不知經與道者學爲文於汪  
氏日久而竊見其稷概故爲之序如此又見汪氏

與周處士書稱予與梁侍御曰緝爲知古文而侍御見予近作多論道之書詰予將爲周程之徒乎將爲韓歐之徒乎以二者之不可合而予實未見三者之可分也故因序汪氏之文而兼質之侍御焉嘉興友人計東甫草序

### 自序

予按郭茂倩樂府有折楊柳詞凡四調其二爲橫吹曲則梁元帝有詩及古詞上馬不捉鞭五曲是也其一爲相和歌瑟調曲則默默施行違一篇是也其一爲清商西曲歌則月節折楊柳詞是也又有楊柳枝者白樂天尚書所製其詞皆詠楊柳本事詩云尚書有妓樊縈善歌小蠻善舞季旣高邁而小蠻方豐豔乃作楊柳枝詞以託意曰永豐西角荒園裏盡日無人屬阿誰宣宗聞是曲問誰詞左右具以對因東使命取永豐坊兩株植於禁中

尚書感上知名且好尚風雅又作詞一章曰定知  
玄象今春後柳宿炎中添兩星其後乾符五季薛  
能爲許州刺史令部妓少女作楊柳枝健舞復賦  
其詞爲新聲楊柳枝詞本末如此又按樂天此詞  
自本事詩所載之外復有八首中間或云洛陽或  
云館娃錢唐蓋不盡爲小蠻作劉夢得屬和亦然  
本事詩云云未可泥也今此卷倡和雖非專宗劉  
白然不可不知其緣起故錄於卷端以示覽者有  
考焉長洲汪琬自序

序

鈍翁先生卜居西郭屢易春秋解組南歸惟栽楊  
柳飛粲滿屋正幽人和暘之時落葉盈階亦秋士  
悲吟之候攀長條而贈遠未免有情撫短笛以橫  
吹能無所感爰成小什聊以寫憂咎者小雅詩人  
繫歸思於曩日金城司馬興長歎於暮季桌里門  
前摘詞寄傲忘憂館裏賦筆爭奇若以方茲麗則  
庶幾獨擅風流於是南國王孫咸和青陽之句東  
都上客爭投白雪之章劉賓客之新詞乏其疇唱  
楊廉夫之好事遜此流傳崇也慙蒲質之秋零悲

長季於搖落靈和阿那天上徒聞霸岸風光離情  
不少覩依依而隕涕我亦欲愁比濯濯而傷神樹  
猶如此爰綴數語并附短章云爾分湖葉舒崇序

鈍翁自題類橐六則

一史漢之序班馬自作春秋三傳之序皆學者作  
至於李漢序昌黎則其子壻子瞻序六一則其門  
生從無以前賢序後進者若左思託名皇甫殊爲  
可鄙今此橐已經技讎凡我門人子姓戒勿爲我  
求序

一坊閒時文選本俱有批評圈點一則坊人射利  
一則選家藉以開導初學耳詩文別集似難效尤  
邇來濫觴甚至每篇綴以評語不曰陵駕歐韓卽  
曰偏真左國在時賢不媿此語吾視古人尙不堪



爲之執鞭戒勿爲我加批點

一吾讀書雖少自有師承詩文用事用字不敢苟且其間小小抵牾或非漫無根據亦如前賢用渡河則承集異記之謬如臯則承江總詩之謬昌陽則承陶隱居本草之謬之類是也前車可鑑戒勿爲我潤色改竄

一古人自存詩文初不論工拙嘗讀居士集繫六

一翁手定有文不甚工而錄者如思穎詩後序之類是也有文

甚工而不錄者如叢翠游儵兩亭記之類是也今吾從前所作不

下五六千篇所存止此其佗散失雖多戒勿尋訪

以求附益

一中歲謫宦頗常學佛請告以後始得專意宋儒語錄以故平生未嘗佞佛亦未嘗闢佛橐中釋氏諸文閒存一二知我臯我悉聽後人戒勿刊落以求揜飾

一吾本不沽名亦非牟利託興詩文止以自娛卽使鏹諸梨棗不過就正同志聊免繕寫之勞耳若曰攘臂利名之途則願退避三舍矣版當度置皆山閣戒勿任意刷印以招不情之謗

嘗聞諸李退菴先生曰東鄰之女美而一目眚

西家之子倚戶瞰之見其美不見其眚也遣媒  
求之既昏則宛然一眚者也然後悔之不逾月  
而逐之見其眚不見其美也予以爲此善喻者  
今斯彙一出則予之眚已不可匿矣當今之世  
豈復有悅媼母而暱瞽妓者與予懼時賢之將  
逐我也故題此六則以示戒云

皇清康熙十四年秋七月幾望鈍翁自記

鈍翁前後類彙總目

卷一

古今詩五十八首

詩彙一

卷二

古今詩七十三首

詩彙二

卷三

古今詩七十九首

詩彙三

卷四

古今詩六十九首

詩彙四

卷五

詩彙五

古今詩六十四首

卷六

詩彙六

古今詩五十八首

卷七

詩彙七

古今詩六十五首

卷八

詩彙八

古今詩七十首

卷九

詩彙九

古今詩九十八首

卷十

詩彙十

堯峰襍咏四十九首

卷十一

詩彙十一

堯峰襍咏五十二首

卷十二上

詩彙十二

堯峰襍咏七十四首

卷十二下

詩彙十三

堯峰襍咏六十五首

卷十三

文彙一

賦三首

辭三首

卷十四

文彙二

經解十四首

卷十五

文彙三

經解十八首

卷十六

文彙四

經解九首

卷十七

文彙五

經解三十三首

卷十八

文彙六

書九首

卷十九

文彙七

書七首

卷二十

文彙八

書九首

卷二十一

文彙九

書五首

卷二十二

文彙十

書七首

卷二十三

文彙十一

序七首

卷二十四

文彙十二

序六首

卷二十五

文彙十三

序十首

卷二十六

文彙十四

序十三首

卷二十七

文彙十五

序九首

卷二十八

文彙十六

序十四首

卷二十九

文彙十七

序十五首

卷三十

文彙十八

壽序六首

卷三十一

文彙十九

壽序七首

卷三十二

文彙二十

記十首

卷三十三

文彙二十一

記十三首

卷三十四

文彙二十二

傳六首

卷三十五

傳五首

卷三十六

書事八首

卷三十七

論七首

卷三十八

或問三首

卷三十九

文彙二十三

文彙二十四

文彙二十五

文彙二十六

文彙二十七

辨二十六首

卷四十

說七首

卷四十一

策問四首

卷四十二

神道碑一首

卷四十三

墓誌銘五首

卷四十四

文彙二十九

文彙三十

文彙三十一

文彙三十二

墓誌銘四首

卷四十五

文彙三十三

墓誌銘八首

卷四十六

文彙三十四

箴二首

贊十七首

銘六首

卷四十七

文彙三十五

題詞十四首

卷四十八

文彙三十六

跋二十三首

卷四十九

文彙三十七

祭文十二首

卷五十

文彙三十八

襍著二十一首

卷五十一

外彙一

古今五服考異一

卷五十二

外彙二

古今五服考異二

卷五十三

外彙三

古今五服考異三

卷五十四

外彙四

古今五服考異四

純翁前後類彙總目終

純翁前後類彙卷一目錄

古今詩一

擬唐人詩八首

陳正字感遇  
王右丞飯僧  
儲侍御襟興  
孟襄陽待友

李翰林飲酒  
崔員外游俠  
王龍驃塞上  
韋左司寄舊

精衛操

行路難

長門怨

銅雀臺

吳中感懷



子夜歌二首

子夜變歌

采蓮曲二首

長相思

折楊柳歌二首

暮冬有感

寓興

寄友白門

送人南游

與沈留侯游快風閣

王授玉讀書張園

送友北行不及

登鄧尉山

坐虹亭二首

秋日送人之秦

梅萼

擬初唐體二首

春燕篇

楊柳篇

游踞湖山隄

送劉生入浙采茶

題畫白鷺

九日贈王授玉秀才

贈達上人

松陵江歌送計甫草

過金道士故院

湖上感懷

贈史辰伯歌

題露筋廟

河神廟

河上逢張進士圍碁歌

寓中直風雨作

和程五九成臺用原韻

長歌行送宋旣庭

寄舍弟摺九二首

送吳處士二首

送施進士

過慈仁寺

送客

捫蝨行

鈍翁前後類彙卷一 目錄終

鈍翁前後類彙卷一

詩彙



古今詩一

自順治辛卯歲起至戊戌歲止

擬唐人詩八首

陳正字子昂感遇

桃李無勁質松柏無萼姿炎暑屢代謝所遇各有時大化既已然知巧安得施鸞鳩與鵬鳥高下徒相嗤惟應達生者委運任所之

李翰林白飲酒

秋風吹片雲飛墮孫楚樓管賢去已久遺恨畱滄洲惟餘樓前月影逐江水流江水自西來與月空

悠悠若非盈尊酒何以銷煩憂開軒設萼茵四坐  
羅珍羞美女顏如粲爲我彈空侯有酒但斟酌不  
待相勸醺醉弄落月還嘯傲陵高秋

王右丞維飯僧

好道逾數載閉門滌塵袪獨與山僧期瞻印良已  
淡果得躡飛錫來從祇樹林梅檀結妙靄金磬流  
清音供養先諸天分減被衆禽暫假有爲法一契  
無生心從此厭身世擗簪誓相尋

崔員外顥游俠

珠勒珊瑚鞭翩翩搖綠駿鬪雞咸陽西揆丸平陵  
東自矜身手捷隸籍建章宮錦帶佩吳鉤銀鏑注  
雕弓一朝事結束忼慨遠從戎長驅沙漠坐心膽  
亦何雄旌旗襍苦霧刀斗含淒風前途失水草百  
戰終無功雖有賢主將弃之若飄蓬悔不居藍田  
射獵南山中

儲侍御光羲襍興

麥畦雉方雒桑圃蠶欲眠但使衣食饒自足娛歲  
年比鄰有逸客相見情依然穉子埽門巷孺人具  
盤餐時從農事暇竟日同流連熏風下長林穢陽  
滿平田兀然共一醉高臥北窗前

王龍驃昌齡塞上

黃榆生悲風落葉滿邊徼日暮望平原黯黯傷懷  
抱屢對將軍簿不聞天子名功成其柰何痛哭蕭  
關道

孟襄陽浩然待友

裴回籬邊徑暝色清心目返照入流明孤煙澹寒  
綠前墟出鐙火隔岸歸樵牧之子不可期松牀酒  
空漉

韋左司應物寄舊

宗寥自多感悵望同心客微雨忽已過窮巷無來

迹數蜨媚蘭畦孤禽眷林石離居歲將徂紅藥爲  
誰摘

精衛操

愚公旣移山精衛亦填海所填能幾何矢志終不  
改口穿羽折君莫嗤君不見海波亦有揚塵時

行路難

水險不在瞿唐峽陸險不在鴈門關行路之難果  
安在乃在人心翻覆間君不見張陳定文本膠漆  
末路紛爭成敵國又不見田竇平時數往來杯酒  
失意爲禍胎始知水陸雖險猶可避執利相傾險

莫比吁嗟乎行路難使我涕淚俱沈瀾

長門怨

長門宋莫地獨坐易驚秋羅幌金風起紗窗碧月  
流殘妝銷翡翠豔曲罷空侯玉輦游何處君恩不  
可畱

銅雀臺

恩共秦雲斷愁隨漳水盈可憐絲管在猶是晉年  
聲總帳流塵集璇階蔓草生祇馮陵上月回照綺  
羅情

吳中感懷

為張士誠作

憶簪危樓縱苴焚三千歌舞化餘氛鷓鴣盡日嘯  
春雨僻倪連天起暮雲蔓草自荒丞相府故碑誰  
識太妃墳只今父老兵戈裏猶話徐常舊建勳

子夜歌二首

有  
牀上鴛央衾案上蒲陶酒酒煥衾又溫何事不可  
停餐復停宿是儂憶歡時墜蠶初上箔何處不縣  
絲

子夜變歌

寄信郎不至郎情底太偏秋風擺荷葉能得幾時

蓮

采蓮曲二首

月色涵清露荷華映白蘋一雙鸞下鳥妒殺蕩舟人

采蓮若邪谿谿流清夏淡但解照儂影不解照儂心

長相思

憶昔君行日飛鸞繞別筵眼看春又至消息斷經年

折楊柳歌二首

白隄垂柳不勝春無限飛鸞點綠蘋怪得今年顛  
顛甚只因長有別離人

鸞落鶯啼水寺前那堪垂柳更生絲行人到此休  
輕折畱取清陰覆畫船

暮冬有感

屈指人間事淒然歲晏中文章才易盡衣食道難  
工衰態愁邊得浮名醉後空江湖一片地何計免  
途窮

寓興

葳蕤谷中蘭春風發華滋盈盈媚幽獨寧邀美人

知偶然蒙采掇得竝桃李姿非不荷光寵亦已辭  
根枝所守既不固感歎將奚施

寄友白門

吾友志倜儻自比謫僊人上書不見知驅車走風  
塵晚家白門側三見柳絮新屢登孫楚樓折簡邀  
衆賓吹彈襍歌舞諸技妙入神手中黃金卮滿飲  
不記巡散披紫綺裘倒著烏紗巾醉攜高陽侶返  
櫂秦淮瀕落月在水上清光搖綠蘋醜然發狂唱  
不顧四坐瞋誰謂老蹉跎風期殊可親何當共執  
手痛飲金陵春

送人南游

長路應難問君行況及秋不知葭菼外何處泊孤  
舟遠嶼連雲起殘潮漾月流可堪南去鴈併作客  
中愁

與沈畱侯游快風閣

江上春將暮登臨興轉狂飛鸞邀卷幔落日促傳  
觴山色連吳越湖流接眇茫披衿堪作賦誰擅楚  
人長

王授玉讀書張園

羨爾幽栖地迢迢翠靄中山臨茶磨北路繞酒城



東語鳥千聲合飛泉一道通春來風日好登眺與誰同

送友北行不及

送君君已行宋莫江上路落日際遙波孤颿眇何處漸辭吳苑萼猶隔晉陵樹欲寄停雲詩愁吟不成句

登鄧尉山

鄧侯栖隱處聞在西南峰昨投山僧宿迢遰尋遺蹤足履一片雲手攀千尺松俛視太湖水孤光澹濛濛稍見煙中邨微聞谷口鐘崖隙露白日洞門生靄風飛泉激潺湲寒萼弄蒙茸往事不可問管賢何由逢但覺勝槩殊彌令幽趣濃誓將遣塵慮長依采芝翁

坐虹亭二首

落日獨登臨茫茫遠眺心鱸鄉亭下水不及客愁淡  
暝色連楓樹寒聲起鴈羣故園回首望遙隔太湖雲

秋日送人之秦

八月愁聽鴻鴈鳴故人鞍馬獨西征關城日落諸

陵遠驛路天陰五時平千里  
煖煙連朔氣萬家砧  
杵斲寒聲漢宮遺蹟難  
重問玉笛金笳動客情

梅萼

籬落暗香來春寒萼似雪  
幽人殘寢醒緩步蹋明月

擬初唐體二首

春燕篇

洛陽二月萼如霰相逢處處多  
春燕可憐春燕如有情  
纔入淡宮又淡院誰家宮院接  
芳菲陌上河千煙雨微河千乍  
掠麤蕪去陌上斜衝柳絮飛高

樓少婦情惆悵聞道燕來頻  
遠望玉軸微寒翡翠簾  
銀鈎半卷流蘇帳此日  
衰回繞夕陽飛來飛去  
斲人腸雙雙對語黃金屋  
兩兩分栖白玉堂誰料  
繇萼如轉轂舊家門戶多  
翻覆畫棟惟餘烏雀唳  
閑房但見狐狸宿回首  
明年又暮春洛陽古道起  
黃塵故巢零落無歸燕  
宋宋蒿萊愁殺人

楊柳篇

君不見年年春滿鳳皇城  
坐柳坐楊最有情  
縈煙故向章臺出映水  
偏依灞岸生章臺灞岸春將暮  
萬縷千行繞行路何處  
嬌鶯恰恰唳誰家乳燕雙

雙度可憐芳樹接長安繡戶雕楹畫裏看能使妖  
姬停寶幘能令俠客駐金鞍妖姬俠客爲儔侶春  
入春陰笑相許落絮從教作霰飛游絲一任隨風  
舉隨風作霰影參差正直行人折贈時曾向笛中  
聞此曲春來無箇不相思

游踞湖山陽

共謝區中好言尋物外游縣崖攢綠樹層嶂俛丹  
樓壘鳥含風轉山等入澗流莫嫌歸路晚明月送  
行舟

送劉生入浙采茶

春盡草萋萋芒屨徧浙西山行防虎過旅宿畏蟻  
嘍樹繞樵谿暗等臨乳穴低槍旗如可瀹先爲寄  
封題

題畫白鷺

七月陂塘秋淺等映水流何來等外鷺下逐鳧鷺  
游三三兩兩等魚急似恐魚驚還佇立眼明柴利  
誰得如夕陽潛伺游鱗出水廟門前傍釣磯肯隨  
鷗鳥學忘機千羣白小銜將盡猶自嫌飢不欲飛  
九日贈王授玉秀才

宗宗門前徑天寒獨爾來清尊儻相對何必更登

臺白鴈高難聽黃鸞晚未開極知歸思切日落且  
衰回

贈達上人

如意與軍持頻年訪導師徧參臨濟法兼吼惠休  
詩月覆庭松靜風飄院磬遲此中多妙悟未許宰  
官知

松陵江歌送計甫草

君不見松陵江層波浩淼東入海荒煙蔓草迷古  
道惟有江流長不改西風吹徹水漫漫爲憶高人  
舊往還鱸鄉亭畔蓴絲盡鬪鴨欄前杞菊殘行人

頻行江上路江邊風物仍如故去鴈猶侵笠澤雲  
斜陽自落包山樹故人方盡別離觴一任扁舟入  
帝鄉揚颿舉櫂忽不見回首江流空復長

過金道士故院

簪日尋真處重來轉覺慵叱羊猶有蹟驂雀竟無  
蹤古洞秋泉冷空壇暮靄濃塵生燒藥竈草翳步  
虛峰白玉那堪種黃金不易逢祇今萼表上歎息  
眇音容

湖上感懷

雨霽湖流漲綠隄停舟一望倍含淒鴈聲鷺影依

類集卷一  
依遠蘋葉菱芰處處齊  
壑寺半臨荒嶼北亂山多在廢臺西  
可憐白紵遺音散惟聽漁歌繞故谿

贈史辰伯歌

史翁行年八十餘蒼眉皓髮紛蚪須  
曾中貯書一

萬卷抵掌笑談誰得如君不見長洲劉侍御

劉鳳子威

又不見大學王拔書

王穉登百穀

十年著述傳好事一

日聲名傾直廬羨君自管文王劉前輩俱推第一

流吳中人物不知數有時落筆驚陽秋我辱史翁

呼小友小隱堂中常握手

辰伯所居名小隱堂

卽今拄杖過

我門稱說王劉不容口忽然感激眼前事離恨窮

愁無不有道旁輕薄半翻飛海內衣冠盡衰朽翁  
乎不如飲此一杯酒勿與時人競好醜琬也願附  
牛馬走

題露筋廟

貞女今何處蕭條水殿扉朱顏空想像白鳥尙翻  
飛極浦荷芰豔虛庭竹翠稀應嗟楚臺上行雨獨  
忘歸

河神廟

前代遺靈在森然曳冕旒拜瞻紛估客歌舞襍巫  
優賽雨來春社分風送曉舟文螭如可駕髣髴護

安流

河上逢張進士圍碁歌

練湖才人張長公蒼顏玄鬢人中龍金門通籍已  
 數載祇今猶在風塵中舟行河上相先後日夕經  
 過常聚首自言少日工弈碁湖海不曾逢敵手同  
 行程生亦有名坐攜一局聊怡情覆盡舊圖俱錯  
 落布成新執尤從橫斜陽穩坐孤篷下棧櫂看君  
 賭聲價媿我才能百不如管中鬪豹尚踟躕須臾  
 局上子聲起無限塵心歸止水但當爭道便支頤  
 忽直先登頻按指始知絕藝真難及高品江南推

第一淡思何減楮黃門敵道不論江僕射旅途相  
 見卽相親時向尊前寄興新此去儻疇安石望擬  
 將別墅乞何人

寓中直風雨作

昨別長洲苑垂楊未吐絲今來薊門路芳草徧含  
 滋迢遰嗟鄉國飄零感歲時客心正欲絕風雨莫  
 淒其

和程五九成臺用原韻

帝德不可見湘江流至今君過舊臺下落日一登  
 臨祠宇莽岑宗山川紛陸沈南熏千載曲歎息絕

遺音

長歌行送宋旣庭

去年君上金門賦我方放櫂游萼亭今年我乞長  
安米君又策蹇還江城江南薊北兩鄉隔極望茫  
茫感曾臆憶答我當十五二十時褐衣徒步風塵  
姿衆人弃我若敝屣惟君相見還相知少年意氣  
真莫逆同學故人爭辟易狂歌共擊唾壺碎高論  
各將麈尾擿吳趨先生愛才名徐宮坊汧  
子母舅也君爲師  
弟我舅甥後堂置酒數相輓不憚吸飲同長鯨坐  
中吳兒好顏色彈箏吹管無停聲金壺丁丁漏水

鳴殘月欲墮微雲清此時興至賦長句與君濡筆  
人皆驚卽今世事屢遷換前輩風流那可見三十  
已過四十來回首少時空歎羨我旣落魄栖王  
畿君亦掉頭尋釣磯西風吹我思君寢寢魂欲繞  
江流飛相見不可期相思不可絕春明門外別離  
心落鸞飛絮如殘雪

寄舍弟播九二首

女是吾家俊頻年阻壯圖全生親藥餌失路問田  
租著述才難盡文游興不孤如何千里別書札一  
行無

薄宦嗟吾老幽栖媿女貧  
飢寒兼數口嗣續各單  
身任性從疏嬾依人益  
苦辛中年兄弟少相憶  
倍傷神

送吳處士二首

木落鴈南飛秋深每憶歸  
那堪一尊酒重與故人  
違壑戍連平楚江城閉  
夕暉縣縣往來道遙望  
欲霑衣  
故鄉風物好及爾客歸時  
芳草蘭陵鎮丹楓太伯  
祠海雲盤雀影湖雨長  
蓴絲若問生涯事扁舟  
任所之

送施進士

試問長安客如何苦憶歸  
君言不得意將拚故園  
扉予亦踦栖者遲回未  
拂衣鄉心正欲絕遙羨  
鴈南飛

過慈仁寺

金元遺蹟慈仁寺曾向炎  
天騎馬至松風颯颯吹  
客衣月可一庭人正醉重  
來此地天陰陰欲雪未  
雪寒相侵舊時酒伴散已  
盡葉落烏嗁愁我心

送客

佇立潞城隅遲回望君發  
天邊下歸鴻邨際露微



類彙卷一  
月颯颯涼風生孤颿屢明滅

捫蝨行

君不見北海王郎年少時窮途賣舂無人知  
鬱陰山中好山色惟許壑空同  
袷期忽聞關外舟師度  
入幕參軍書露布營門劔戟森如霜  
獨有王郎懷刺赴晉家  
賈壻非純臣赤須紫眼亦不羣  
坐中相見傻傾倒誰知顧盼  
芴無人褐衣破盡殊坦率  
不妨談笑頻捫蝨抵君之掌  
抱君郟中原陸沈三歎息  
區區卿相本易致冑與袁伏  
偕出入灞陵橋頭波浪深  
三秦父老相持泣君不見老賊  
睥睨闕江

東朝賢執版趨下風過江名士俱碌碌何異羣游  
犢鼻中

鈍翁前後類彙卷一終

康熙甲寅秋八月

同里周

靖

拔字

休寧汪繩武

鈍翁前後類彙卷二目錄

古今詩二

咏古七首

春夜望月

初春分司大通橋

感懷

謝沈編修贈藥歌

自五月至六月零雨不止橋署志感

寄訊西山隱者

送再從姪處默

類集卷二目錄  
重送處默三首

送符明府

同王十一賦得江暖吟翠屏送陸巴州之任  
巴州歌三首

送人之越中任

贈京衛守府

皇帝行幸歌三首

題劉刑部蘇門圖歌

登慈仁寺毘盧閣

聞劉主事移疾將往蘇門賦贈

題劉主事春水蕩舟圖

送王十一之任揚州

送劉主事和程五韻二首

遙寄吳門友人題其墨妙軒

送人還撫寧

走百病行

聞吳下故人入山看梅遙寄

聞故人游浙東遙寄

題畫

寄贈吳門故人

得王十一書時十一將之任揚州

將荅王十一書埃程五同發

西湖歌送友

王秀才欲從軍滇南詩以促之

訪講僧聽講法華經

同洪儀曹暨族兄湘鄉使君飲

調薛戶部大武

送曹持原任西寧

咏古二首

寄家書二首

送友人之楚

懷從叔川中

送客之江寧

送顧助教還蘇州

送婦兄南還

託婦兄致書故人醉中賦此

得均萬叔父靈壁信

贈程五舍人二首

送魏推官之任成都二首

送陳給事之任福建

送蔣給事之任九江

世祖章皇帝輓詩二首

刑部侍郎李退菴先生出使南鎮奉贈

送王六助教往山西程五舍人往山東是時

齋 世祖諡詔出使也

感遇

無題二首

鈍翁前後類彙卷二目錄終

鈍翁前後類彙卷二

詩彙二

古今詩二 自己亥歲起至辛丑秋罷刑部郎中止

咏古七首

鳳鳥翔寥廓鸞鳩戀枋榆所賦有大小材器寧不  
殊試觀巢許流褰裳避唐虞袞冕尚不取况使紆  
紫朱萬鍾等稊粟百鎰亦錙銖寄語銜鼠鴟慎毋  
嚇鷓雛

商君任督責李相乃其倫身族既湛滅禍亦延羸  
秦驪山土未乾百二俱荆榛空然阮諸儒首難在  
編民始知長國家所賢德與仁祖龍蓋前車覆轍

寧當循

誰云頸可刎餘耳竟凶終得失僅豪末揮戈起相  
從始知市道文千載將無同所以阮步兵哀哀泣  
途窮

武皇雅愛才任使非一倫張趙刀筆吏卜倪耕牧  
人偶與時執會遽登要路津駕馭雖有術揣摩豈  
無因遂令淮陽守喟然傷積薪

漢家事威武殫財啓邊疆縣官苦不支析利窮秋  
苾舟車各有算告緡走殊方冶鑄與牢盆盡發山  
海藏大農籠貨物何異南陽商誰爲販鬻者我欲

亨弘羊

多財每累人過寵亦生患膏火自煎熬由來有斯  
歎材與不材閒庶免匠石盼是以達者心終年守  
樗散如何乾沒子猶然悲拙宦

朱家活季布名迹孰與儔能令關東士緩急皆見  
投鄙哉樓君卿僅推脣舌優一承權門檄行路視  
文游執縛故人子不待破柱按平生飾氣節所志  
但封侯攫名長安市辟若雞狗媮以此廁游俠徒  
爲鄉曲羞

春夜望月

客居如空山風物澹欲絕返照既已收餘靄旋明  
滅泠泠冰下泉了了松閒雪相對宗無言禪心與  
初月

初春分司大通橋

疏慵才縈拙流滯數方奇衣食憂兒女功名感歲  
時春來三徑換衰至一身知同舍誰相憶惟傳寓  
直詩

感懷

抱病人事絕起向空庭行春風襲我裾衆鳥喑喑  
鳴百卉雖未萼芽蘖亦已萌俱受造化驅安得忘  
其情況乃最靈者日夕勞吾生馳驅各有求嗜好  
旋相撓本非金石固坐喪精與形感之三歎息曳  
策還前楹

謝沈編修贈藥歌

病夫移病一月餘翰林沈郎辱相念入門怪我顏  
色惡知我坐久傷煩眩自言囊中有禁方頻年試  
此已經驗許分成藥一贈我令我不覺加欣羨春  
來門巷苦索莫無人下馬坐顧盼因君訪我生感  
激況復深情重繾綣須臾遽奉一罌至封題未開  
香味徧連朝服食果有益頓使春風動顏面京城

酪酥潤如蜜寶坻銀魚白於練貧家治食雖不精  
此種亦得登盤饌往時遇之屢揮手卽今相對頗  
下咽願將暇力受方書悔向中年逐昏宦衰賤已  
逢親友恤艱難終荷皇天眷明朝行藥到城南喜  
與沈郎復相見

自五月至六月霖雨不止橋署志感

東臯夜來雨夏月生涼颺廣陌成沮洳車馬不敢  
驕我來視輪輓直此沈陰朝谷岸俱已崩洪波漲  
河橋簡書雖日下役夫坐消搖念此皆 王民奚  
忍恣鞭敲車敗馬復痛遲回寸心焦自顧拙官守

天奉安可邀回望關門雲瀰漫互山桀

寄訊西山隱者

高士荷鋤處迢迢西澗中不知夜來雨藥苗生幾  
叢鳥道挂斜照樵歌陵僂風問君灌園暇登眺復  
誰同

送再從姪處默

又向長安別淒然動客愁秋風吹遠道落日在孤  
舟鴈逐江煙下潮衝楚樹流何時更相見與續竹  
林游

重送處默三首



還家正及石湖秋蘋葉淺粲兩岸流我亦湖邊舊  
游客欲將歸寢寄行舟

秋風倚櫂女墳湖好爲秋孃過酒盧試問門前烏  
白樹夕陽猶似往年無

七月江南陰復晴儂家種秫近秋成但教釀事麤  
能了我欲歸來荷鍤行

送符明府

西望三關險崎嶇路若何君今匹馬去落日渡滹  
沱壘燒逢秋急邊聲入夜多請看罽下組慎莫歎  
蹉跎

同王十一賦得江蟻吟翠屏送陸巴州之任  
君不見巴東山色連巴西江頭日落風淒淒行人  
過此不能去停車愁聽江蟻唳巖壑千重斷行路  
藤梢葛刺紛無數唳蟻弄此猶未了倏然騰上青  
楓樹使君行指蠶叢祠巴人道迎歌竹枝歌聲將  
絕蟻聲續清音嫋嫋如哀玉錦官驛外襍鳴泉大  
劔山頭悲落木此日長安一憶君知君遙宿闔城  
雲客中夜夜唳蟻起若到三聲那可聞

巴州歌三首

巴水遙連蜀道長哀蟻落木兩茫茫劔門山執鋸

如剗莫怪行人易斷腸

滕王亭子與雲齊千尺朱欄萬仞梯無那使君登  
眺處滿檐山色杜鵑啼

巴女燒畬劔水邊巴兒醉舞玉山前琴臺鈴閣清  
如水簾外無人訟芋田

送人之越中任

祖帳酒初醒輕颿不暫停家山虎丘寺驛路鮎埼  
亭曉日江煙綠春風海嶠青行逢朋舊羨高第在  
通經

贈京衛守府

將軍能舞丈二笈少年笑罵輕豎儒京城枹鼓百  
不虞安坐營門一事無薊門風高白草枯跨鞍遠  
走叱撥駒手捩角弓矚僕姑去逐飛鳥追羣狐歸  
來取酒黃公盧炙牛作脯乳作酥是時月出縣浮  
屠萬家宗宗秋煙孤笑從北里邀名姝清歌妙舞  
紅氍毹滿堂俠客相叫呼酒酣立馬爭檣蒲信手  
一擲喝作盧眼中百萬如錙銖將軍自詫高荆徒  
區區禮法焉能拘願君善保千金軀文州小醜方  
逋誅 國家右武需熊羆行建牙燾西南隅斬馘  
狸菟窮根株遙飛捷書獻羣俘立取侯印黃金塗

功名如此真丈夫慎勿縱飲爲麤疏試開玉帳談  
孫吳

皇帝行幸歌三首

金殿初開鹵簿長詞臣扈從儼成行不知玉輦游  
何處惟見旌旗出建章

天壇南望瑞煙多柳色陰陰接玉河芳草不生沙  
路淨九重法駕日經過

期門控騎蹋平蕪遙自宐春越鼎湖多少侍臣思  
獻對不知曾獲白麟無

題劉刑部蘇門圖歌

我聞劉郎少年快馳突上馬彎弓鳴辟歷左盤右  
射不可當好手健兒爭辟易卽今白髮已滿顛猶  
欲奮草江湖檄昨朝過我情相親坐飲一斛長安  
春興酣作畫用兵法筆隄從衡皆入神飛泉噴壑  
起晝雨老樹欂崖穿白雲君不見阮公臺孫登窟  
此中形勝何突兀蒼藤怪石森千尺子嚳晝唳蟻  
叫夕劉郎點染尤逼真使我對之悽心骨圖成拔  
劍吟秋風疑有蘇門嘯聲出

登慈仁寺毘盧閣

梵宮疑化出孤閣聳脩標此地一登眺欵如御輕

類集卷二  
騷檐前擘雲角檻外俛林梢極望但蒼茫始覺諸  
天遙西山來晉絳不斷若奔潮羣峰破空碧一氣  
陵層霄故關稍平迤煙色寒蕭條落日帶飛鴈回  
風盤去鷓風景頓能豁形神殊欲超漸悟空宗理  
誓將弃塵囂

聞劉主事移疾將往蘇門賦贈

劉郎欲投劾去隱蘇門山區區青墨綬弃擿如等  
閑蘇門自管多幽趣曾是孫登長嘯處山色遙連  
盤谷雲竹聲半落淇園雨秧苗參差榭葉齊居人  
何減武陵谿閉門自有飛鸞入高枕常聞過鳥嘯  
劉郎乞身真不惡葛巾布袍差足樂案上頻鈔內  
景經鑪中祇養長生藥女能織帛男能耕門生扶  
舁相隨行丈夫適意且如此安用悠悠世上名

題劉主事春水蕩舟圖

劉郎不向江南住底事便解滄洲趣遠山歷歷水  
悠悠髣髴三江最深處儂家舊傍釣魚汀芷萼含  
白蘆芽青偶然蕩卻蘭橈出一曲吳歛最可聽君  
今揮洒多幽致令儂回首生歸思樹影渾疑縹緲  
峰鐘聲欲認楞伽寺可憐三載滯長安鄉寢依依  
逐夜闌春來無限江南樂祇向劉郎畫裏看

送王十一之任揚州

分韻得  
二冬

淮海蒼茫路萬重  
行旌遙候禁城鐘  
荒隄柳色春前放  
東閣梅華雪後逢  
入洛故人空悵望  
過江才子幾從容  
舊游好憶長安月  
曾對慈仁寺裏松

送劉主事和程五韻二首

已謝同朝客  
兼辭寓直廬  
山僧敦社約  
壑客結鄰居  
避俗常開卷  
謀生只荷鋤  
有時憂腳氣  
暫上短

轅車

時以病  
足請假

泉源不可極  
何處問幽廬  
地僻無來客  
雲淡少定居  
桐孫逢雨植  
竹母帶煙鉏  
我亦思長往  
馮君俗

鹿車

遙寄吳門友人題其墨妙軒

我從江南來  
君向江南去  
江邊好風日  
揮洒都成趣  
辛夸滿鵝竹  
坐廊墨妙軒  
中倚隱囊  
雀硯曉涵清  
露潤鵝池  
春漲綠波長  
知君卻埽還  
多暇獨自濡  
毫搨硬黃

送人還撫寧

鶯嗁潭柘菴  
草長桑乾口  
此時送君行  
東風吹馬首  
關路遙連沙  
磧斜知君今  
夜宿誰家  
薊州美酒灤  
州鱗好醉棠  
梨千樹粲

走百病行

正陽門外芳菲節月明如雪  
鐙如月有鐙有月恰  
宓人街鼓鼕鼕鳴不絕  
長安女兒最傾城口脂面  
澤含芳情一生不識長安道  
試向鐙前蹋月行怪  
得年來瘦無力頻邀待詔  
施方術只因未上正陽  
橋百病交加減顏色白綾衫  
暝鬧蛾新爭從橋畔  
步纖塵小姑扶媵妹將妹  
媼殺長安輕薄人三三五五  
同游伴共指鬢身祝強健  
終年不賽藥王祠  
育女生男悉如願從來不怕漢  
金吾何況坊司吏  
率呼歸來夜半渾無事又覓  
荆箕候紫姑

聞吳下故人入山看梅遙寄

金昌亭下客聞向越來谿  
霽雪千家映寒粲萬樹  
齊亂山分近遠流水各東西  
遙憶停舟處淒涼暮  
鴈唳

聞故人游浙東遙寄

垂柳綠可折君行入越州  
越女蕩雙槳載君渡江  
流江鳥與江鸞歷亂縈洲島  
臨翫猶未終已達山  
陰道山陰宛明秀應接眞忘疲  
樓臺謝傅墅松柏  
禹王祠羨君倚孤藤狂吟興欲絕  
洞口接飛霞天  
邊弄落月遙望新安水還如匹練平  
欲乘樵風便

夏作挂颿行颿浴三百灘灘水不盈尺清淺吹綠  
波玲瓏漫白石爲予采芳杜一薦巖徵君遺蹟眇  
難問山中空暮雲

題畫

林深自陰翳徑仄屢回轉何處午雞聲前邨知近  
遠

寄贈吳門故人

遙羨風流顧愷之愛翻新曲覆殘碁家臨綠水長  
洲苑人在青山短簿祠芳草漸逢歸燕後落萼已  
過浴蠶時一春不得陪游賞苦恨蹉跎滿鬢絲

得王十一書時十一將之任揚州

休沐養微疴無人此相顧蘭尊絕斟酌竹徑稀行  
步美人勞見憶枉使馳尺縈開緘理高吼情曲宛  
如故縹緲灤水雲蒼茫濟陽樹悵望千里行何由  
接良晤山館萼正飛江城燕初度後夜寢尋君還  
踰竹西路

將荅王十一書埃程五同發

索處本多感況茲直春序惠風自東來萼落燕雙  
語悵望平生友行蹤眇何許坐楊滿橫塘香杜紛  
幽渚聊將寄心曲往采復延佇非不眷所歡遲予

同游侶

西湖歌送友

君不見西湖流水碧於玉  
莎草如煙繞湖綠  
西泠橋邊  
粵正開落  
粵片片隨風來  
木蘭艇子  
蜻蛉尾  
權入  
粵閒三十里  
盧頭小婦  
調銀箏  
嬌歌一曲  
最有情  
當窗卷卻青綃幕  
粵香水氣傳歌聲  
行人日  
午相倚聽  
勸盡絲繩雙玉  
餅僊郎家  
近西湖  
住暫乞  
君恩賦歸去  
燕臺日落風淒淒  
道旁相逢  
惜解攜  
羨君南行向湖隄  
向湖隄策馬  
蹏湖水平  
湖草齊

王秀才欲從軍滇南詩以促之

君才如仲宣  
擬賦從軍篇  
銀鞍將錦韉  
結束毋遷延  
六詔由來稱  
屬吏洱海蒼山  
等平地  
一從豺虎事  
橫行蠻箐迢迢  
漢關閉番禺  
枸醬若爲求  
益郡碧雞那可祀  
至尊按劍臨  
丹墀詔書三道  
爭出師  
牙帳特開都  
護府戈船直  
奪昆明池  
羨君舊擅封  
侯相遙逐征  
南志彌壯  
錦衣玉具繡  
螯弧趨揖營  
門不相讓  
功名已解  
笑儒生意  
氣何妨  
僂突將鐵柱  
南頭初合  
圍看君倚  
馬速於飛  
好從楯鼻  
醉磨墨  
檄取蠻中  
驃信歸



訪講僧聽講法筭經

支公栖遯處亦許宰官來心共蓮筭淨經將貝葉  
開龍藏齋後益鵝繞講時臺欲作門人侍名根媿  
未灰

同洪儀曹暨族兄湘鄉使君飲

望縣分符客清曹下直郎筭辰催緩帶菜甲佐傳  
觴風土近寒食山川鄰夕陽相看倍惆悵明發異  
行藏

調薛戶部大武

十載雕蟲稍擅名未曾縛袴學長征佗時若得登

三事但乞蕭郎作騎兵

薛嘲予云異日我如嚴鄭公女當出我幕下故嘲之

云云

送曹持原任西寧

明萬曆中始設此邑

遠望龍鄉戍蒼茫萬里程邑從先代闢人向暮秋  
行嶺鳥嘯雲急山魑嘯月清瀧江多候吏應向荔  
陰迎

咏古二首

羽林千騎蹋輕塵狐菟初肥苑草春試問茂陵移  
病後車前諫獵復何人  
仗劔揆丸意氣生五侯賓客太從橫不知猶有張

公子日暮人間俗姓名

寄家書二首

袁宏人赴音方至

扶悶強裁書淒然墮餘淚恐傷兒女心猶署平安字

空有遺容在相思益眇然數行鐙下札何處達黃泉

送友人之楚

十載滯長安那堪旅騎單家貧輕久客世難悔微官夜雨江聲急秋風蕙草寒尺書何處達遙望楚雲端

懷從叔川中

憶自滄江別秋風淚滿衣已嗟行路遠況復寄書稀雪盡巴流急雲淡棧樹微相思如杜宇長繞錦城飛

送客之江寧

龍蟠虎踞古神州數幅蒲颿汗漫游草色入雲江路遠荻萼過雨石城秋烏衣髣髴存遺巷白鷺微茫隱故洲莫問六朝佳麗事笛殘鐘靜不勝愁

送顧助教還蘇州

憐君不得意迢遰復南行故里三年別輕舟一月

程潮聲揚子渡樹色晉陵城欲寄無衡若相思空復情

送婦兄南還

異國纔相見如何又別離頻揮送君淚猶似悼亡

時袁宏人方歿

風雨孤邨暗雲山匹馬遲御溝寒月柳

攀贈只枯枝

託婦兄致書故人醉中賦此

去畱俱失策存歿倍傷神獨夜一尊酒佗鄉千里身文游疏老病僮僕厭風塵賸有窮途淚馮君寄故人

得均萬叔父靈壁信

方爲靈壁教諭

久望靈陽使書來倍黯然宦情淮水澹鄉寢楚山縣講舍空秋草官廚冷暮煙蓴鱸殊可憶蚤晚賦歸田

贈程五舍人二首

三年旅食厭風霜初掌絲綸直建章過嶺梅萼鄉寢遠翻階勺藥晝吟長承恩祇在金螭側賜對頻依玉几旁故舊彈冠誰最切欲修書札報惟揚

落句

惟揚指王揚州

宮鶯高轉萬年枝才子爲郎退食遲坐裏內家催

應制珥貂中監乞題詩月明寓直趨鸞掖日晚濡  
毫對鳳池同作金門供奉客馮唐獨媿鬢如絲

送魏推官之任成都二首

禁城楊柳爲君攀西去高軒指散關望帝愁魂春  
樹外臥龍故壘夕陽閒天縣烏道連三峽地入蠶  
叢控百蠻明到不妨頒弔古訟庭草長簿書閑  
劔南名勝接巴東奉檄初逢道路通玉壘雲開千  
障曉錦江萼落一川紅熨僮笮馬來荒徼枸醬椰  
漿自土風部內尙餘耆舊否幾人詞賦敵揚雄

送陳給事之任福建

掖垣風采 至尊聞 詔領雄藩到海濱藤鳥竹  
雞嗁暮雨蕉萼橘實映斜曛羽書競逐征南府芻  
粟遙供下瀨軍但使閩江無戰伐漢廷先論轉輸  
勳

送蔣給事之任九江

暫辭封事賦南征騎吹謹闐按部行峰壘似屏圍  
楚塞水流如帶繞湓城渚邊蘭杜縈離恨江上琵琶  
感宦情最是庾樓空夜月且停清獻一論兵

世祖章皇帝輓詩二首

已致昇平胙兼高孝治名彌畱念

文母

謂昭聖皇太

后倉奉託阿衡寢殿陳龍輶離宮徹翠旌猶傳臯己 詔嗚咽走蒼生

南苑停調馬每歲駕幸南海子必累月是冬纔駐蹕數日東邦罷貢

鷹詔罷高麗貢車書方正統弓劍忽遐升玉几嗟空設

鑾輿憶舊乘蒼茫哀痛日大誓復金滕時輔臣率百官誓於

大光明殿

刑部侍郎李退菴先生出使南鎮奉贈

初服朝羣后昌辰洽百靈月卿新授節星使遠揚  
船土俗連吳楚山川接海溟禹祠松蓋偃秦碣薛  
文青瞻拜衣冠肅明禋俎豆馨登臨揮候吏觴咏

按圖經看竹圍棊墅尋芳禊帖亭畫龍畱故鬣去  
雀墮脩翎勝事追前古高情逐杳冥佇逢回四牡  
天子問祥刑

送王六助教往山西程五舍人往山東是時齋 世祖諡詔出使也

手奉絲綸出薊丘煌煌幢節引雙騶 南郊共冊  
天王諡 北闕分乘使者鄧齊晉祇今稱大國  
王人自簪冠諸侯溪山父老如扶杖為報姬公  
佐委裘

感遇

我本悠悠江海客由來不識長安陌  
生事雖無郭外田閑居尚有城南宅  
一從應詔離江東揭來趨走燕市中  
抵掌無成慙景略著書不就羞揚雄  
男兒有志終難測爲感風塵黯顏色  
徑須把釣滄洲前底用鳴珂金馬側  
秋風蕭瑟鴈南來五湖舊業生蒿萊  
明朝獨櫂扁舟去富貴於我何有哉

無題二首

故宮高與碧山齊無數坐楊接御隄  
玉輦不來鸞落盡晾鷹臺上鳥空唳

新甃湯泉咽不流繚垣敲側壑棠秋月明  
溪鎖長

生殿夜半無人誓女牛

鈍翁前後類稿卷二終同里田

康熙甲寅秋八月  
同里周靖  
休寧汪繩武  
拔字

主艷外半無人書文半

鈍翁前後類彙卷三目錄

古今詩三

賦得宮人入道二首

老將行

罷官後攜三女南歸三首

過仲家淺

過露筋祠

曉發

玉鈎斜

至揚州

揚州懷古襍詩六首

阻風

揚州畱別貽上二十八韻

冬至

游支硎山

宿山寺

由董墓入聖恩寺

夜坐梅萼下聽潘爾開琴

奉慈菴尋雙松有趙文敏公題陵碧松三字

石刻

讀楊廉夫竹枝詞擬作八首

由虎山橋入朱墓邨

題鄧叔觀梅圖

送許竹隱之任思州四首

舟中述懷

贈金大毅似時從河南歸

與外弟金茲昭從子遵慧埜眺遂過楊彭山

入藏佛寺

鼎石山埜眺

題藏佛寺



與茲昭及慧姪眺大江

次韻阿慧京口晚眺遂過楊彭山之作蓋清

明後二日也

并序

虎嘯寓廬十首

竹徑

桂軒

梅隴

菜畦

欄石

雀亭

柏庭

蓮池

豆架

琴室

雨後舟中晚眺懷王十一

過江距廣陵三十里直暮雨

王十一將往淮上邀予泛邵伯湖及返則夜

漏盡矣

送茲昭同慧姪南歸二首

予既蔬食停舟時輒拾壘菇爲供頗甘其味

慨然賦詩

河水歌

李太白酒樓歌

官軍行

杜子美南池

抵王屯書所見

舟次有客攜鰻赴北予聞其鳴誌感

將抵京師

月夜待友

咏雀

咏鴈

寄劉丈三首

送友人還宣城分韻得遙字

送人南還

聞計孺子殤寄甫草二首

鈍翁前後類彙卷三目錄終

鈍翁前後類彙卷三

詩彙三

古今詩三

自辛丑秋起至康熙壬寅歲止

賦得宮人入道二首

翻因薄命愛長生羽氅雲冠再拜行曾被玉皇教  
按曲忽隨金母學吹笙顏逢鍊液重疑豔身為持  
齋轉覺輕從此幽栖如壑雀萬年枝上月空明  
自乞天恩下玉墀宮中女伴鎮相思羞題紅葉傳  
塵世願守丹鑪事本師坐手只攜襪斗訣點脣初  
習步虛詞此生無復昭陽寢猶為君王夜祝釐

老將行

漁陽老將老逾健手輓強弓殼長箭脩顏坐白盡  
如蚪雙頷下豐猶似燕自言少小學從戎躍馬能  
超六郡雄戰血千行頻汚甲癥痕是處悉通中誰  
料數奇終得謗平生意氣俱凋喪小吏翻爲投筆  
人人奴卻擅封侯相薊門燹火晝紛紛回憶雲臺  
舊建勳閑殺南山射虎手醉歸羞說故將軍

罷官後攜三女南歸三首

嬌女由來字蕙芳解牽衣袂學扶牀逢人也說還  
家好菘菜青青橘子黃  
紅蓼萼殘稻穗低緯蕭笳管滿邨谿且隨漁父攜

家去一曲吳歌笠澤西

鷓鴣纔鳴鴈又飛已拋艾綬製荷衣出門卽是還  
山路底事游人不肯歸

過仲家淺

蕭條汶水上孤客暫停舟壑徑牛羊夕寒塘鴈鷺  
秋蒹葭含細雨篁竹壓殘流回首南池路淒然感  
舊游

過露筋祠

湖水眇無際古祠臨釣磯蕩粲漸蕭颯楓葉森芳  
菲一二白髮巫衰回倚門扉陰廊竄鼯鼠畫壁生

伊威豈無估客舟來酌茱漿稀靈兮秉貞絜獨處  
誰相依羞比青谿姑願效黃陵妃山鬼雖陸梁敢  
闕坐上幃我茲訪遺蹟日落煙霏霏輕埃侵綠鬢  
寒吹卷綃衣環佩了不聞徒然想音徽

曉發

舟人不知寒解纜陵清曙隱隱月墮水翻翻烏繞  
樹煙連甓社生潮入蕪城去一任孤颿行沿流向  
何處

玉鉤斜

月觀淒涼罷歌舞三千豔質蕪荒楚寶鈿羅帔半

隨身蹋作吳公臺下土春江如故錦颿非露葉風  
條積漸稀蕭孃行雨知何處惟見橫塘蛺蝶飛

至揚州

河上涼風暮滄波迴未平輕颿挂明月一夜到蕪  
城回首竹西路曾無歌吹聲蕭蕭數行柳今古自  
含情

揚州懷古襍詩六首

水調歌殘翠黛銷幾枝煙柳曳寒潮隋家何限傷  
心事第一休過廿四橋  
豔骨香魂怨月明荒斜曠有玉鉤名春風吹徧青

青草直到雷塘不斷生

水殿粲飛杜宇愁木蘭亭下咽寒流無人更唱安

公子紅蓼青蒲兩岸秋

瓊粲摧折玉鉤荒后土夫人寢雨長惟有田家逢

社火競吹笙笛返韋郎

畫檻雕欄異俗時平山遺阨半參差如何行客春

風裏猶唱文章太守詞

雀影蟬聲蹙徑長頽翁遺墨冷斜陽游人盡愛迷

樓景誰訪殘碑蹋蜀岡

貽上新得東坡碑刻於蜀岡乘土中復樹之故云

### 阻風

獨臥孤篷底長途此夜窮殷勤解畱客惟有石尤

風

### 揚州畱別貽上二十八韻

長安管相見風調俱不怛朱筵接席坐紫陌聯鑣

騰雄文誇藝苑高論摧談僧偶蠟粲下屐頻挑雨

中鐙映水翫浴象俛臺遲暎鷹塵尾許竝捉烏衣

每相矜從游興未盡惜別情難勝岐路愁闌宋流

澌苦翻崩英鏖出柙劔晶彩涵壺冰簿書縱稠疊

吟嘯還加增曲江邈迤泛東閣從容升梅粲白萬

樹勺藥紅千層故苑叢宿莽斜落溝塍懷古心

感激撫時思頻仍寄書幾有據入寢終無馮君才  
盛屈宋我賦慙邾郢絹足墜榛棘塌羽隳繳繪畫  
省卷被出扁舟解維棹拄頰聊復爾折翬非所能  
擬追豹霧隱牽向龍門登秋袷澹若雪宵飲清如  
澗歌舞跋銀燭笑言低玉繩微覺懽動又驚歸  
緒興文情寓縞紵離淚霑衣繒挂颿平岸柳舉櫂  
穿谿淩瓜步亂潮急蒜山遠煙凝客心夜耿耿鄉  
路晨萋萋明發達吳會三歎無良朋

冬至

蕭條長至夜貧與病相依縱使逢葭管寒灰未冝

飛

游支硎山

白雲所宿處遠在牛頭峰我來振孤策獨躡麀麀  
蹤日落煙景沈杳靄聞疏鐘支公久淪化無人繼  
談宗石室空峻嶒流泉尚淙淙去雀不可招月明  
幽澗松欲訪紫巖蹟莓落今幾重

宿山寺

衆禽暝知還予亦山中宿是時雨初霽餘靄紛相  
屬了了松上月清陰陰巖谷鐘聲入雲去冷然慙  
幽獨洵是諸天居能使心魂肅媿非宗雷儔牽躡

東林躅

由董墓入聖恩寺

入竹不知路肩輿任所向風吹遠鐘來步步愜微  
尚芳樹紛葳蕤寒萼屢飄颺翠禽哢疏籬松鼠越  
層障飛澗無停流夕嵐非一狀遺龕孤壑中香界  
諸天上漸覺清塵心梵聲起高唱

夜坐梅萼下聽潘爾開琴

月明銅井缺夜靜山蒼然回顧梅萼林靄靄浮輕  
煙幽人坐萼下對月稍揮弦風吹弦上音俱向遙  
空傳蕭颯澗底松潺湲西泉拊此未終曲驚禽

嘯不眠

奉慈菴尋雙松有趙文敏公題陵碧松三字

石刻

日斜訪陳蹟屣步游招提宋歷二古松蒼蒼與雲  
齊幾逃靄火焚屢耐霜風淒玄雀時一下翠禽或  
雙嘯細皴含凍落橫鬣封春泥稍稍脩枝出團團  
偃蓋低魏公去已久短碣猶可稽蔗客指殘石山  
僧拭舊題勝游足盤桓墨妙難攀躋我亦支離者  
欲來結巢栖

讀楊廉夫竹枝詞擬作八首

西泠春水白粼粼兩岸坐楊拂路塵一自官家南  
渡後游船多半汴京人

以下西湖詞

湖船女伴褰羅衣摘得蓮  
等打槳歸船頭壅鴨驚  
散盡采香胡蝶雙雙飛

門外湖流似鏡平曾從湖上送郎行  
東風吹散西泠雨  
等落等開何限晴

湖上女兒好容顏相思日日淚痕斑  
江湖也有東來信  
何事狂夫竟不還

春雨春風忒作顛  
桃等結子柳飛絲  
小娃十五猶愁思  
那得吳孃不化煙

以下蘇臺詞

家住橫塘倚畫樓望郎遙隔百等洲  
何時得作橫塘水  
匯入洲中一處流

兩兩吳娃結束同競呼畫舫  
趁東風白隄玄墓等如雪  
春在蠶黃蝶粉中

虎丘寺西春水長郎船簫管出山塘  
勸郎莫上眞孃墓  
阿孃元是狹邪倡

### 由虎山橋入朱墓邨

新桺坐條著水齊畫船行  
傍虎山隄卷簾漸覺香風入  
一路梅等到崦西

### 題鄧叔觀梅圖



類彙卷三  
七  
遙看兩崦鏡光浮處處梅萼似雪稠明月欲來人  
語宋萬山叢裏一孤舟

送許竹隱之任思州四首

斑馬錦障泥經行桂嶺西楓人逢雨長木客傷雲  
唳土俗三湘接山川百粵齊烏蠻迎阜益一一繞  
龍谿

一官何足問迢遰瘴江瀕人習姬隅俗禽唳格磔  
春金蠶爭事蠱銅鼓共祈神爲報諸君長於今漢  
法新

憶管慈仁寺相逢盡酒狂故人推大令

謂貽上

才子

數高陽語笑松壇暝招攜柳陌長那堪回首處三  
載各蒼茫

故國兵戈滿長途雨雪滋當予去官日直爾遠行  
時芳草投書渚叢篁鼓瑟祠好從登眺處遙爲寄  
相思

舟中述懷

風吹無心雲西出雞籠山一辭幽澗松飄蕩何時  
還嗟予嶽崎士雅願離人寰中爲浮名誤遂墮塵  
網閒葉落返吳市等開望燕關草木旣屢換而我  
亦不閑章服羈縻埜狙樊篴閉飛鷗終然負丘壑慙

歎將何顏

贈金大毅似時從河南歸

扁舟河上來相遇金昌郭譁笑未及終  
僂誇遠游樂遠游踰洛州少室足淹留  
蟬吟嶽寺晚松色漢祠秋大梁眇何許  
且復邀行旅最愛金明池萼時盛游女  
城頭落日曛曾酌信陵君古道生荒草  
遺墟祇暮雲北望淇園竹蒼蒼萬竿綠  
清嘯了不聞泉聲漱寒玉登臨歷歲華  
鄉思入春賒紫魚初孕子萼菜正搗芽  
遂別游梁客挂颿回震澤莫問橐中衰  
還家仍四壁

與外弟金茲昭從子遵慧壆眺遂過楊彭山  
入藏佛寺

南徐好風日相攜西郭西麥黃斑雉  
雒樹綠乳鳩唳漸入雲深處  
芑鞵屢延佇岡執接平蕪江流帶孤嶼  
前林曲夏通邈迤問禪宮地繞藤蘿外  
鐘鳴煙靄中萼芳不覺暮悵望回幽步  
月出水蒼蒼遙空一雀度

鼎石山壆眺

山在鎮江郭外

城南倚孤櫂極望但蒼蒼白馬吳門迴  
青山楚塞長桃萼臨斷岸蘭若出斜陽  
惟羨東流水潺湲到

故鄉

題藏佛寺

此寺何年構荒臺倚翠微  
等殘鹿女去松偃雀雛  
飛香積餘煙在禪鐙舊  
燄稀祇應江色好水月共  
凝暉

與茲昭及慧姪眺大江

試凭高閣望雲水眇何窮  
積氣生陰晦層波駕太  
空千颿殘照外孤嶼亂流中  
明日扁舟發須乘破浪風

次韻阿慧京口晚眺遂過楊彭山之作益清

明後二日也

此地風光麗  
棄閑得暫尋  
一丘臨水次  
二月直春  
溪江氣涵  
虛閣邨煙界  
遠林故鄉不可望  
愁絕越人吟

虎嘜寓廬十首

并序

予自罷歸以家貧售故居於人  
寓身虎嘜有破屋數間荒徑一區  
比於僧寮逆旅其地蓋割張氏園  
居三之一也未及葺治會左官北上  
時時縣念於懷舟中無事遂爲十  
咏傳之好事

竹徑

類彙卷三  
十  
繇枝煙外綠新穉雨中斑恐有肩輿客柴扉晝不  
關

雀亭

幽人招雀還  
宗宗籬門靜  
明月滿長松  
襍襪舞雙影

桂軒

移自小山中  
疏林風獵獵  
此生甘不材  
羞爲濟川楫

柏庭

庭翠積紛紛  
風來墮殘子  
相對了無言  
禪心正如

此

梅隴

寒梅欲吐香  
陰雨如相忌  
昨夜月明多  
疏籬萼發未

蓮池

萼開滿綠池  
零露凝光彩  
幽客解盤桓  
無勞美人采

菜畦

葉綠蟲生翳  
萼黃蜚引羣  
西山晴氣爽  
抱瓮敢辭勤

豆架

涼颺繞架飛子老白粳稀莫卽除霜蔓寒蛸正蛻衣

欄石

一片湖中石波痕閒蘚文氤氳常不散猶帶具區雲

琴室

呼童抱琴至援調對前林月出鳥聲靜何人喻此心

雨後舟中晚眺懷王十一

斜陽下蘭陵景物澹塵慮草樹競含滋夜來河上雨涓涓泉亂鳴靄靄霞初吐之子眇何在相思楚天暮疏林表遠邨微火明前渡惆悵暮潮生廣陵隔煙霧

過江距廣陵三十里直暮雨

天陰生暝寒旅舍傷宋莫微雨江上來江邨杏粳落燕歸柳塘社漁返瓜州郭何處遠鐘聲孤舟安蚤泊

王十一將往淮上邀予泛邵伯湖及返則夜漏盡矣

偶此揚颿去良辰亦勝游春生謝傅堰人在李君  
舟雞黍申前諾鶯鸞豁旅愁淹留知不厭殘月竹  
西樓

送茲昭同慧姪南歸二首

伯勞嗁徹柳塘風此日分攜客路中腸斷江南與  
江北水雲煙樹兩濛濛

邗溝南去暮潮平年少從來別恨輕遙指春江亭  
上月綠楊淡處峭颿行

予既蔬食停舟時輒拾壘菇爲供頗甘其味  
慨然賦詩

予本陋巷人飯蔬理亦宜秋露擷菘菜春風芣蓢  
絲山居足嘉羞庶免肉食嗤自從越江滸寢寐每  
憶之夜來河上雨土膏發新滋呼僮挾長鍤散步  
行荒陂卒當葵麥閒得遇瓊瑤姿香如楚江芷色  
若商巖芝東臯與西澗采掇寧厭疲歸來筐筥滿  
一一朶我頤我感主父言五鼎良可危不如壘中  
菇晚食能療飢遂樵道旁薪炊之佐饋糜臨箸再  
三歎干祿今奚爲

河水歌

河水在前淮水後水聲雨聲各爭吼打鼓發船船

不行篙工柁師俱束手泥沙滾滾逐波下雲霧沈沈  
駕風走老夫去住安足論且炙河魚貫淮酒

李太白酒樓歌

任城酒樓高插天樓東桃樹非晉年騎鯨僊人不  
知處狂客還歸四明路誰能醉臥胡姬盧惟見春  
風拂筦絮我作東門游攜尊樓上頭可憐魯酒薄  
無復蘭陵筍俗問當時造酒者何如紀叟董糟丘  
堯祠遺蹟空荒荆遠望徂徠何限情放歌一曲下  
樓去汶水東流日夕聲

官軍行

亂飛沙禽吠邨狗官軍夜踰穀城口大船小船爭  
避行長年吞聲復搖手錦袍繡腋月中明牛肉麤  
肥捫乳清胡琴搗徧伊涼曲盡是冰車鐵馬聲

杜子美南池

此老去已久風流今黯然空餘池上水日夕自涓涓  
涓古木叢積岸殘蒲礙小船如聞灤西路宋莫亦  
嘒鵑

抵王屯書所見

風吹棗萼落麥穗猶未黃雉雛角角鳴決起數尺  
強我行愛此景下騎立旁皇隔林幾人家茅舍周

道旁煙火陰疏籬雞豚散斜陽最羨厖眉翁箕踞  
坐匡牀瓦盆注濁醪襍以餅餌香兒童競譁笑輓  
袂相扶將旣徵歲時豐亦見土俗良薄暮且惕止  
無論道路長

舟次有客攜陂赴北予聞其鳴誌感

孤陂何自至入夜最淒然心逐巴江樹形羈楚客  
船遠邨雲外火極浦雨中煙愁絕唳聲急殘燈不  
可眠

將抵京師

眇眇津門水輕颿復此過宦情牽世網歸寢逐漁

蓑綠鬢新年減青雲後進多不才甘養拙未敢恨  
蹉跎

月夜待友

露下月未午蟲聲方悄然幽人愛良夜遲客草堂  
前靜對若有悟微言兼入禪相逢多勝賞塵累詎  
能牽

咏雀

賦質何微細卑栖自不辭引雛銜短穗趁侶上枯  
枝叢薄寒煙靜茅檐夕照遲此生堪止息未用徙  
天池



咏鴈

念爾南飛志寧將燕雀同相呼葭菼外羣飽稻梁  
中天闊頻趨暎秋高卻趁風羽毛非不健儻遇弋  
人弓

寄劉丈三首

水郭山邨處處春椶屨藤杖自由身頻持般若經  
中偈常作者英社裏人

陽抱山前贈別時梨粦如雪桺如絲只今乙夜遙  
相憶月落烏栖去寢遲

宰官何異在家僧遙念南邨舊日朋女嫁男昏都

已了好來對禮佛前鐙

送友人還宣城分韻得遙字

與君河上望沙草迴蕭條明日孤颿去天寒落暮  
潮暖唳秋浦斷雲入敬亭遙何處新詩好長吟舊  
版橋

送人南還

垂楊綠未齊千里憺分攜鴈去榆關北人歸笠澤  
西潮平芳芷短颿落夕陽低到日逢脩禊蘭亭續  
舊題

聞計孺子殤寄甫草二首

筆冢纍纍硯欲穿每將文字苦雕鐫著書也被天  
公媼不使童烏與女玄

帶草侵階樹拂檐架中零落舊牙籤謝孃佗日聯  
新句更有何人倡撒鹽

甫草有女曾許予亾兒衛

鈍翁前後類彙卷三終

同里周靖

康熙甲寅秋八月

休寧汪繩武

校字



|         |
|---------|
| 中國書店(庫) |
| 8 冊     |
| 60.00元  |